



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

PREDIGTEN UND SPRÜCHE DEUTSCHER MYSTIKER.

I.

Unter meinen sammlungen zur herausgabe der deut. schen mystiker des 14n jahrhunderts, deren baldige fortsetzung ich in aussicht stellen darf, befindet sich eine beträchtliche anzahl von predigten, tractaten und sprüchen sowohl genannter als ungenannter verfassers, die, obschon theilweise von wichtigkeit und bedeutung, doch aus innern und äussern gründen in meinem werke keine aufnahme finden können. ich gedenke sie daher nach und nach in dieser zeitschrift mitzutheilen und gebe fürs erste predigten von genannten verfassern, die mit ausnahme des bischofs Albrecht noch völlig unbekannt sind. sie stehen zum theil in einer hs. des klostern Einsiedeln nr 278, perg. 14s jahrh. quart. diese schön und sorgfältig geschriebene hs. enthält in ihrer ersten hälfte s. 1—138 einen grössern mystischen tractat, 'dis sint die sibene sträse die in got wissent,' auf den ich später noch ausführlicher zu reden kommen werde; die zweite hälfte s. 139—420 umfaßt eine sammlung von predigten und sprüchen die namentlich für die ausgabe des Eckhart von besonderer wichtigkeit ist. ich werde noch manches daraus mitzutheilen haben.

Stuttgart im nov. 1849.

FRANZ PFEIFFER.

I.

DIS HÂT GEBREDIET DER ÜSERWELTE KNECHT BRUODER ARNOLT DER RÔTE.

Unser herre sprichtet 'swâ ich bin dâ sol ouch mîn diener bî mir sîn.' dâ meinet er, bin ich in der kripfen oder in mîner muoter schôzen oder an dem criuze, dâ sullen mîne friunde bî mir sîn. wan swas got lîplich hât getân, dâ sol

I. Einsiedler hs. s. 314^a — 416^b.

Z. F. D. A. VIII.

14

ein minnende sêle geistliche mit umbe gân : wan grôßser minne bewîset man gotte, das man geistliche mit inwendiger betrachtunge unde mit loblicher dankberkeit bi gotte und an gotte haltet, dan ob man lipliche bi im gewesen wære. der mensche sol niemer uf gehoeren bi gotte ze wonende in sinen erbeiten, die er leit lipliche in der zît, ê got¹ sîne sêle geistlich mit ime uf irhabe über die zît : want als friuntlich dû hie bi ime gewesen bist in sinen noeten, alsô nâche soltû geleitet werden mit bekennende unde mit minnende in die triskameren der heiligen drivaltekeit, das ist in des ewigen vatters herze. der wîse jude Filô der sprach 'herre, in der mitter naht wurde dû geborn, sô alliu diet stille swîget.' sêle, alsô wirdet got in dir geborn sô alliu ding in dir alsô geswigen sint, das ist sô der lip niht sinen zins heischet² (das ist das des der lip bedarf) unde sô des tievels gerunge ist gelegen unde der welte glîz noch menschen bilde dich niht irrent, unde dû allen crêâtûren bist entwichen, alsô das alliu bilde unde glîchnisse dînem herzen entgangen sint : in dirre naht wil der himelsche vatter sinen eingebornen sun geberen in dîner sêle und in dirre stilli wil das gotlich wort zuo dir reden. sô tuo dich uf, das dû in dich slindest das gotlich licht. swenne gotliches licht uf einen unertigen grunt vellet, das gât got an sîn herze, ob man das von ime gesprechen getôrste. sêle, got gât in dir ze acker, und als mengen guoten gedank oder gerunge dû gotte sendest, alsô menge veste garbe³ leist dû got uf sinen wagen. unde wîfsest, mensche, das aller minste licht unde diu minste manunge von untugenden ze kêrende und in lûterre wârheit gotte ze folgende, das sol dir von gotte niht verlâssen werden âne strengiu urteile unde gerihte, wie dû es ze frûhte brâht habest. unser herre der begert an uns und in gelustet das wir mit dem rîchen man unsern stadel wîtern⁴, dà wir den gotlichen (geist) inne behalten mûgen, das ist, sô dû wol getorst understân grôfsiu ding, das ist pine des herzen, armuot unde versmêchnisse, unde ze nihte werden. sich, har an solt tû dich versuochen wie vil dû des dur got liden maht. es ist gar guot ze siufzende, sô man gemechliche sitzet unde den âten lîse ziuhet, und

1) gotte 2) hōschet 3) grabe 4) wittern

aber den grunt des herzen nieman gerüeret hât. wiſsent, dâ ist noch kleine bewerter wârheit inne; want alle die wile sô (dû) dich selben an dir selber niht versuocheſt, sô muost dû iemer mê in eime betrogen wâne sîn unz an den tût, das dû niht enweist was dû dur got liden maht oder niht.

Â wie ist es sô guot, die hende zesamen ze legende unde ze sprechende 'hilf, herre got! gnâde, herre got!' dâ mit ist es niht genuog. dû solt dich selber an dir selber versuochen, als diu sêle an der minne buoche sprichet. si sprach 'ich habe in gesuochet dur die naht den mîn sêle minnet. ich wart ûs gezogen unde zerslagen unde verwunt.' das was, dô si sich selber an ir selber hette. nû wol dan! ich wil ouch versuochen was ich an dir habe, mensche, sô dû dich versuocheſt an den crêâtûren, was dû ir dur got lâzen unde versmâhen maht, und an dir selber, was dû dur got tuon oder liden maht. dar nâch soltû dich versuochen an den engelen, wie vil dû dich den gelichen maht, unde solt schouwen was si hânt von gnâden oder von nâtûre. reinekeit habent si von gnâden, aber got schouwen unde sich gottes genieten das habent si von nâtûre. dâ soltû dich nâ bilden. dâ von sprichet unser herre 'mich gelustet eines niuwen stuoles. ich hân gesessen in mînen brinnenden¹ Seraphîn, in mînen sangherzen, die dâ singent sanctus, sanctus, sanctus. sêle, nû wil ich mînen stuol enmitten in dich setzen.' enkein zwîvel ist des, wenne diu sêle ze voller wirtschaft wirt gesetzet, das ist in gotlichem liehte zuo gotlicher sûeze, unde stürbe der mensche in der stunde, er füere âne wîse ze gotte unde füere under Sêraphîn. das uns das geschehe, des helf uns got. âmen.

II.

DER GÎSELER.

Unser herre sprichet in dem êwangelîô 'das ist êwig leben, das man dich, vatter, bekennet einen wâren got unde Jêsum Kristum, den dû gesant hâst.' die meister kriegent wider einander, obe êwige sælikeit mêre lige an dem werke

1) brinnen

II. *Einsiedler* hs. s. 192^b — 195^b.

des willen oder an dem werke der vernunft oder in beiden gelich oder in eime alleine. (mir) ist wol wilsentlich das etliche meister sprechent das êwige sælikeit mære lige an den werken des willen denne an dem werke der vernunft. nein, alsô enist es niht, want wille giufset sich ûs unde vernünftekeit diu nimet in und enpfâhet unde behabet. krieg kumet von zwein dingen. das eine ist von frevele, unde den ist niht ze losende. den andern kumet er von kranken sinnen, das si niht vollen licht habent noch eine frige vernunft unde lâsënt sich binden mit kranken banden. unde der ist wol ze losende.

Die kriechschen ¹ meister und unser heiligen, die grôssen, den ich aller best geloube, die sprechent das diu nâtûre unde der kerne der sælikeit lige an den werken der vernunft, unde sprechent 'das werc des willen ist ein eigen zuoval und ein zuohalt.' als ein meister sprichet 'es ist des menschen eigen das er lachet; das hât er vor andern tierren.' das ist ime wol eigentlich; sîn nâtûre enist (es) niht, es ist ein zuoval. alsô ist dem willen zuogeeigent sîn werc.

Nû kumet der meister dem ich geloube vor allen meistern, des persône ein ist ² in der gotheit, des sêle sælikeit niht bedarf noch ir nie gedarpte, des bekantnisse ein ist in der (wisheit?), der alles das bekante das von gotte (ze) bekennende ist, unde der sprichet einvaltekliche 'das man dich; vatter, bekennet einen wâren got unde den dû gesant hâst, Jêsum Kristum, das ist das êwige leben.' har zuo bedarf man weder geziuge noch eide. wen diuhte nû billich das man næme der heiligen wort, Kristi rede mitte ze bewærende? mër mit Kristi worten sol man bewæren der heiligen wort. doch mag man wol nemen der heiligen wort, ze erkennende Kristi wort. krankiu bant diu ³ bindent kranke sinne, diu in doch kleine wæren ⁴, ob man liehte sinne hæte. das êrste bendelin das si irret das ist das si sprechent, der oberste engel, der dâ Sêraphin genant ist, der brinne unde lebe in dem brande der minne; unde dâ von sprechent si, si sîn aller nâhest gotte. hie mitte wellent si bewæren das der kerne der sælikeit mër lige an dem werke des willen denne an dem werke der ver-

1) krieschen 2) enist 3) kranche b. die 4) werent

nunft. die bendelin zerbrechen wir mit diser rede das wir sprechen das den engeln dise namen niht eigen sint: er ist in ein zuoval. den namen hânt si von irme verdienende. liebi verdienet den lôn, aber vernunft enpfâhet den lôn. die engele habent ouch verdienet ir lôn in eime ougenblicke. hie von hânt si den namen; er hœret zuo ir nâtûre niht. si endürfen sîn ouch niht, wir bedürfens. hie ist das bendelin zerbrochen liehtem sinne. die noch gebunden wæren, den nemen¹ ein ander helfe. Dionysius sprichet, das ein ordenunge sî in allen dingen, das ie das oberste des under ime ist rüeret mit sime nidersten. nû rüere Sêraphîn (das) niderste gottes, alleine dâ niht niden sî nâch sîner wîse; want die persône gelîch êwig sint. mêr nâch unserre wîse sô ist der heilige geist diu leste persône, iedoch² an der wârheit sô ist si diu mittelste, want er ûs giufset als ein leben. hie von hânt Sêraphîn den namen, das er aller nâhest rüeret den heiligen geist, der ein leben ist. Dionysius sprichet das enkein³ ding sô glîch sî gotlichem werke als das fiur. want dan der heilige geist ein fiur ist, unde want der Sêraphîn⁴ aller glîchest ist dem heiligen geiste der ein fiur ist, unde want si in rüerent, hie von hânt si den namen. hie sint diu bendelin zerbrochen.

Was ist sælekeit? das ist ein enpfân und ein innemen oder ein besitzen des obresten guotes. ein meister sprichet, diu einunge sî groeßer von der liebi in dem êwigen lebende denne diu einunge der vernunft; want diu einunge zucket in sich ein glîchnisse des das si bekennet und ir genüezet. si engert niht mêr ze sînde denne in dem glîchnisse. mêr 'liebi' sprichet er, 'wil ein sîn mit irme belîben.'⁵ ich spriche aber das des niht enist; want diu liebe giufset sich ûs, unde diu vernunft nimet in unde wirt lûterliche ein mit dem das si bekennet. — das ander das die meister sprechent, daz diu minne mêr einege in dem êwigen leben denne⁶ vernunft, das ist das si sprechent das diu minne werde geeigenet nâch sînesheit⁷ unde niht nâch irsheit. mêr vernunft, sprechent si, werde geeineget nâch irsheit unde niht nâch sînesheit. unde dâ von sprechent si das diu

1) namen 2) edoch 3) enkeing 4) den S. 5) ge-
lieben? 6) denne] der 7) senesh

einunge grœfser sî nâch sîner wîse denne nâch der crêâtûre wîse. dis enist zemâle niht wâr. unser besten meister sprechent, minne werde geeiniget nâch irsheit aber vernunft werde geeiniget nâch irsheit und ouch nâch sînesheit. — das dritte, das si sprechent minne das sî ein einende kraft, diu dâ einet den der dâ minnet mit dem das er minnet unde meineth, das si alzemâl ein werde. seht, dis enist zemâle alsô niht. minne diu enmeineth des niht, (es) ist ir nâtûre niht noch enist in si gepflanzet niht; si enmag es niht gewellen, want sô müeste si ir wesen verlieren unde des enmeineth minne niht. minne diu meineth, das das guot das der hât der dâ liep gehabet ist, das das gemeine werde mit dem der dâ liep gehabet ist, und alzemâle darinne geeineth werde. seht, dis meineth minne. aber vernunft diu enmeineth weder ir noch ime, mêr si wirdet genzliche ein mit dem das si bekennet. — das vierde, das si sprechent das minne werder sî, das nement¹ si von einem meister, der sprichet das an allen dingen diu dâ sint âne gewerdende behalte das leste ende mêre adels denn das ânebegin. seht, das ist wol wâr an den dingen diu in der zît sint. dis ist aber von gnâden dâ wir nû von sprechen. hie von wil dirre meister dise rede alsus haben, das diu einunge grœfser sî der minne denne vernunftikeit. wan das bekantnisse vor gêt unde diu minne nâch, dâ von sî diu minne nâch, des sî diu minne edelre und einege mê dan vernunftikeit. seht, das ist wol wâr das minne nützer ist in disem lebende, want si verdienet den lôn. mêr vernunftikeit in dem ewigen leben enpfâhet² den lôn. hie sint diu bendelîn³ zerbrochen liechten sinnen. âmen.

1) neiment 2) enpfant 3) bendelin

III.

BISCHOF ALBREHT.

1.

Disen sermôn hât gesprochen bischof Albreht. er lëret uns das wir alle wege ein sehen¹ heten in uns selber; wan êwig leben sullen wir in uns selber besitzen. unde das bewæret er uns mit den besten meistren, unde swer êwig leben in im selben besessen hât, der hât in ime selber alle tage ein niuwe himelriche ie niuwe und ein êwige niuwe, und in dem êwigen niuwen sol er fürwert gën.

An dirre selben predie spricht bischof Albreht das, 'ein ei, dur got gegeben die wîle der mensche lebet, das ist ime nützer in dem êwigen lebenne dan ob er nâch sinem tôde ze sinem sêlgeræte gæbe ein münster vol goldes.' er sprach mê 'wære alles das eines menschen das got ie geschuof, und gæbe das alles an sinem tôde dur got, das wære im an êwigem lône niht als nütze als ein almuosen dur got gegeben bi lebendem libe.' er sprach mê 'das wir den vergeben die uns beswærent² an lîbe, an guote, an êren, das ist uns nützer dan (ob) wir giengen über mer und uns leit in das heilig grab.' er sprach mê 'das wir lieb und leit in ordentlichem dêmüetekeit enfân unde das wir erkennen das es ein gottes gæbe ist, das ist uns nützer dan ob wir alle tage einen wagen vol birkîner riser ûf unserm ruggen zerslüegin.'³ er sprach 'ich weis wol das ich ein guoter pfaffe bin, unde wæren alle diu buoch verbrant diu in der alten und in der niuwen ê ie geschriben wurden, ich wolde ûs mînes herzen künsten, die ich von gotte empfangen hân, die heiligen schrift widerbringen, unde wolte si bas ordenen danne si nû geordent sî, lieze mich got leben dekeine wîle. doch sont ir wilßen das ich wolte sîn der minste mensche in Kristô der ie geschaffen wart. wolt ich frâgen nâch guoter pfafheit, sô

III, 1. *Einsiedler hs. s. 299^a—301^a.* 1) sechen 2) besverrent 3) *die stelle er sprach bis wîle ist von einer spätern hand (wol als ketzerisch) durchstrichen, aber doch noch zu lesen.*

wolt ich ze Paris frâgen. wolte ich aber frâgen nâch gotlicher heimlicheit, sô wolte ich frâgen nâch dem ermesten menschen den ich iene funde, der mit willen arm¹ wære; seht, den wolte ich frâgen nâch gotlicher heimlicheit. man liset in dem heiligen êwangelîô das ein jungeling frâgte umb ein vollekomen leben. dô antwerte im Kristus unde sprach 'halt diu zehen gebot.' dô sprach er 'das hân ich getân alle mîne tage.' dô sprach Kristus 'wiltû volkomen werden, sô verkoufe alles das dû hâst unde gib es den armen unde folge mir nâch.' wir mûgen gerne lâsen umbe das oberste das niderste, unde das muos sîn: das hât uns Kristus bewert mit disem jungelinge. er sprach ouch 'wissent das sît diu menscheit Kristi² ein sûmenisse was sînen jungern, sô wissent das uns alles das hindert unserre nâchsten sâlden das crêatiure heissen³ mag. das bewæret uns got selber dâ er sprichet 'lâsset die tôten begraben.'

2.

Bruoder Albreht der predier bischof der kom zu einem mâle in ein frouwen klôster sîns ordens. dô bâten in die frouwen das er ein guot wort seite. dô seite er in dis unde sprach 'alse dicke der mensche einen muotwillen dur got lât, swie kleine er ist, niuwen ein üppig wort oder ein üppig sehen, also dicke sô enpfâhestû got geistlich in dine sêle, alse gewærliche als in der priester liplich enpfâhet ob dem alter.'

Er sprach ouch ein trôstlich wort den siechen. 'sô der mensche siech ist, sô dunket in des das sîn leben unnütze sî vor gotte. wan er sich niht mag üben an gebette und an anderen werken, sô sihet sîn siechtage unde sîn begerunge tiefer in die gotheit denne zehen hundert gesunder.'

Dirre selbe herre hette die gewonheit das er sich gar flizeklîche beval in ander liute gebet. dô wart er ze einem mâle gefrâget, war umbe er ez tæte. dô sprach er 'es kument vier nütze dem menschen dâ von. der êrste ist, solte der mensche des gâhen tôdes sterben, des überhebet in got.

1) arn 2) xpc 3) heisen.

III, 2. *Einsiedler hs.* s. 329^a—330^a.

das ander ist, solte der mensche vallen in houbetsünde, dar vor behüetet in got. das dritte ist das im got drîzig jâr segefiures abe nimet. der vierde nutz ist das, solte der mensche in den êrsten kôr komen, es mag der mensche über in bitten das er kumet in den niunden¹ kôr. das muos aber ein volkomen mensche sîn.'

Der selbe bischof Albrecht der sprach ouch dis guote wort, 'es sîn vier unde zweinzig stunden zwischent tag unde naht. der stunden einiu oder halbiu die neme der mensche sô er betrüebet sî unde trücke die betrüebede in sîn herze, alsô das er nieman gebe ze kennende nôtlage wan gotte alleine. das ist im alse nütze alse vier unde zweinzig jâr vertriben in alsô guotem lebenne das man in hæte für einen guoten vollekommen menschen.

3.

Es sint xii¹ guoter stücke. daz êrste ist, wer gît einen pfenninc in der liebe unsers herren in disem lebenne, daz ist gote loblicher unde dem menschen nützlicher dan obe er gæbe nâh sînem tôde als vil goldes unde silbers als möhte gereichen von dem ertrîche bis an den himel. — daz ander ist, wer ein hertez wort geduldlich vertreit durch die liebe unsers herren, daz ist gote loblicher dan daz er zerslüege ûf sînem rücken als vil beseme als ûf eim ganzen acker gewachsen mac. — daz dritte ist daz dû dich diemüetigest durch got under alle krêatiure, daz ist gote loblicher dan daz dû giengest von eim ende der werlt bis an daz ander und ob die fuozstapfen vol bluotes stüenden. — daz vierde ist (daz) dû got stæte ruowe gebest in diner sêle mit sîner gnåde, daz ist gote loblicher dan ob dû rennetest von einem ende der werlt bis an daz ander. — daz fünfte ist daz der

1) nun

III, 3. *Münchener hs. cod. germ. 133. perg. XIV jahrh. 12^o. überschrift roth* Daz sint bischof Albrechtes sprâch. 1) diese zahl steht auf einer rasur. es war also ursprünglich wol nur von IX stücken die rede, wie auch in andern hss. die ich davon gesehen habe. ohnedies ist das X—XII stück (durch das beschneiden der hs. verstümmelt) von anderer doch gleichzeitiger hand auf den untern rändern nachgetragen.

mensche weine einen tropfen von lûterr minne, daz ist gote loblicher wan ob dû weintest von gebresten einen bach als die Tuonowe. — daz sehste ist, ganc selber ze gote, daz ist dir nützer dan das dû alle die heiligen und alle die engel dar santest die in himel sint. — daz sibende ist, verteil nieman, daz ist gote loblicher dan daz dû dîn bluot vergüfsest sibenstunt in dem tage. — daz ahte ist daz dû enphâhest mit gedult waz got über dich verhenget, daz ist gote loblicher dan daz dû gezuckest würdest in den dritten himel als sant Paulus. — daz niunde ist, habe lîdunge mit dîm ebenkristen, daz ist gote loblicher dan ob dû spîstest als vil siechen als in eim ganzen lande mac gesîn. — (daz) zehent ist daz, ob dû heiligiu werc und ander reine tu(gende) sihst unde weist an dînem nâhesten, vrewest dû dich des (in r)eh-ter minne, daz ist gote loblicher denne ob dû mit gote (elli)u vreude in himelrîche hietest. — daz einlefte ist daz, mit dû die sûnder von bæsen sünden bringen

.
got selber spîsest in dem himelrîche. — daz zwelfte ist daz dû dich selbe bekennest unde dich selbe ze gote ziehest unde bringest, daz ist gote loblicher denne ob dû alle dise werlt ze den êwigen gnâden brâhtest, ob dû selbe êwîclîch verdampt würdest.

4.

Sante Thômas unde bischof Albreht die wâren bî einander unde meister Thômas der vrâgete unde sprach zuo bischof Albreht 'heiliger vater, sage mir welez was diu hœhste vrœude unde diu grœste frœude die unser herre Jêsus Kristus ie bewisede ûf ertrîche?' dô sprach bischof Albreht 'das was diu grœste vrœude die er bewisede ûf ertrîch ûf deme grûenem dunrestage, dô er sînen heiligen vrônen licha-men gap sînen jûngeren unde sprach 'dis hân ich begerende begert, das ich dis âbendefsen mit iu efsen solte.' — 'Heiliger vater, was was diu sache, dar umbe er es begerende begerte?' 'der sachen wâren drîe. diu erste sache dar umbe sîne frœude groefser was, das was das er âne sache

die menie unde die schare die mit minnen unde mit begerunge immer mê in enpfâhen solten bis an den jungesten tag, das er der herzen zuo gē mit einer ūferhabender begerunge, das si ime geeiniget würden. das was diu êrste sache, dar umbe er sprach 'dis hân ich begerende begert.' diu ander sache dar umbe sîne fröude grœfser was, das was diu sache das er die ane sach die in mit minnen unde mit begerunge enpfangen hetten, das er îlete das er si offerte sime himelschen vattere. er sprach 'vatter, wir bitten dich vür die die dû mir gegeben hât; als ich unde dû ein sîn, alsô wil ich das si ein sîn mit uns.' diu dritte sache dar umbe sîne fröude grôz was, das was diu das diu zît komen was unde diu stunde das er sich opheren solte sime himelschen vatter. dô er an deme kriuze stuont unde sprach 'vatter, in dine hende bevilen ich mînen geist,' das was nit alleine sîn geist, es wâren alle die unde sint alle die, die mit ime geeiniget sint.' dô sprach sante Thômas 'ach, heiliger vatter, hæte mir das got gegeben zuo einem niuwen liechte mînre sêlen, das ich es der heiligen kristenheit lâfsen solte, das næme ich vür den zue sante Paulus.'

IV.

DER VON KRÖNENBERG.

1.

Sanctus Jôhannes sprichet in dem êwangelîô, got habe die sîne geminnet unz an das ende. es sint fünf ende in diu uns got geminnet hât. das êrste, er hât uns geminnet an das ende sînes lebendes, wan er gesuohte von dem êrsten tâge sînes lebendes nie niht anders denne menschlicher nâtûre widerbringunge ûf ir hœchste sælekeit. unde das bewîset er uns dâ mitte das er vor sime tôde sô friuntliche für¹ uns bat, dô er ze sînem vatter sprach 'vatter, ich bitte dich, dâ ich bin das ouch mîne dienare dâ bî mir sîn.' unde wes bat er mê? er sprach 'vatter, als ich unde dû eines sîn, alsô bitte ich dich das dû si mit uns eines machest.' — das ander ende in das uns got geminnet hât, das ist des

IV, 1. *Einsiedler* hs. s. 301^a — 304^b. 1) vor

menschen selbes ende. in das hât er uns ouch geminnet, wan sîne minne wil er von uns niemer gescheiden bis in unser ende, das der mensche niemer sô tiefe noch smæhliche gevallet, begert er sîn, er welle in gütliche enpfâhen. noch ein sunder minnezeichen bewîset er an dem menschen. das ist das got niht gestatet enkeines menschen endes ê er dar zu kumet, und lebte er tûsent jâr, das er doch niemer besser würde. — das dritte ende in das uns got geminnet hât, das ist das ende dâ sîn hœhste sælekeit an stât: das ist das er einen ieklichen menschen geordenet hât ze dem besten guote das er ime gemelsen mohte. — das vierde ende in das er uns geminnet hât, das ist das ende der tiefester diemuot. das ist diemuot das sich der mensche neiget under das under ime ist. ie tiefer under geneiget, ie hœher diemuot. wie möhte sich nû got tiefer geneiget haben denne dô er sich gab für den menschen ze sterbenne, der alsô böse was das er sich mit sîner bösheit hâte geworfen under aller crêatiure füelfe.¹ — das fünfte ende in das uns got geminnet hât, das ist das ende der hœhster minne. wie möhte er uns grœslîcher geminnet haben denne das er sich dem menschen gegeben hât zuo einer spîse. er gab ime alles das er ist und alles das er mohte. wan âne die himelschen fröide, dâ man got siht als er ist, sô enhât got niht besers ze gebenne denne diu spîse diu er selber ist.

Als uns nû got in fünf ende geminnet hât, alsô sol in der mensche hin wider in fünf endriu ende. — das êrste ende, er hât dich geminnet in das ende sînes tôdes; sô soltû in hin wider minnen in das ende dînes tôdes. was ist sterben? das ist das diu sêle dem lîbe abe gât. alsô sol der mensche ime selber abegân unde sol sîme gluste verziehen aller gebrestelîcher² dinge, und alsô sol er dur got in gotlîcher nâtiure sterben als er dur uns in menslîcher nâtiure erstorben ist. — das ander ende in dem er uns geminnet hât ist er hât uns geminnet unz an unser ende; sô soltû in har³ wider minnen in das ende sînes güelichen lebennes. was ist gotliches⁴ lebendes ende? es ist âne ende: sîn anvang ist âne anvang unde sîn ende ist ân ende. alsô soltû dînen willen setzen ûf ein unverendet minne ge-

1) fülsen 2) gebrestelich 3) han 4) get gotl.

gen gotte, wan das ende das dîn minne suochen sol, das ist âne ende. — das dritte ende ist, er hât dich geminnet in das ende der oberster sælekeit; wan des hât er sich geflîssen das er dich alsô geschüefe das dû sîner gottheit vil enpfâhen möhtist, unde doch gebrast ime nie enkeines dinges in dem himel noch ûf der erden, wan das alleine das er nie enkeinen menschen vant der alsô volkomenlich bereitet wære das er an im gewirken mohte als vil guotes als er gerne an im gewirket hæte. alsô solt ouch dû lîn wider flis hân wie dû dich ime vollekliche und nâch allem sîme geluste elliu zît erbeitest, unde dar an sol ouch dîner gerunge elliu zît gebresten. — ze dem vierden mæle hât er uns geminnet in das ende der tiefester diemuot die er uns bewîsen mohte. alsô soltû in hin wider minnen in der tiefester diemuot die dû im bewîsen maht, niht das der mensche bereitet sî ze einer tugent unde niht zuo der andern. wiltû got in das ende der tugent¹ minnen, sô sol dich niht erschrecken weder krankheit² noch smâcheit, dis noch das, das an der tugende schiulich sî. elliu ding sullen dînem willen gemæfse sîn. — zem fünften mæle hât er dich geminnet in das ende der hœhster minne. er gab dem menschen alles das er ist und alles das er hete, lib sêle unde gottheit. er nam sich im selber unde gab sich dem menschen. alsô sol der mensche sich selber ime selber nemen unde sol sich gotte geben. dâ von sprichet er selber, er habe die sînen geminnet. hie merket weles die sînen sîn. das sint die die sich alzemæle gotte gelâfsen hânt; wan wil der mensche sîn selbes sîn, sô enmag er gottes niht eigentlich geheizen. wilt aber dû ein sicher zeichen ob dû dich gotte gelâfsen habest, das solt dû dâ bî merken ob dû liebes noch leides niemer angenimest, das dir geschihet, das dir geschehen sî. wan bist dû dîn selbes niht, sô enmag dir ouch niht geschehen; was dir geschihet, das ist dem geschehen. des haben wir ein³ urkunde an Marien Magdalênen. dô ir swester⁴ Marthâ kam und ûf si klagete das si müesig wære, dâ seit diu schrift niht von das si ie wortgespræche. unde die heiligen die ir swigen diutent,⁵ die sprechent das si nie niht anders gemeinte dan das si sich

1) tugent 2) strangheit 3) en 4) swerste 5) tutent

gotte alsô gar gelâfsen hâte das si niht dûhte das man si an gesprochen hete. mêr des si was, der was gegenwertig. des was si ze friden. dâ von sprichet ouch Kristus 'si hât den aller besten teil erwelt.' das got unser teil werde, des helf uns got. âmen.

2.

Diu schrift sprichet das der tievel dise wort sprach zuo unserem herren. er sprach 'sprich das dise steine ze brôten werden.' hie ist sant Stephân ze lobende an driu dingen. das eine, an der bitteren marter, dô er sprichet das es steine wâren. das ander, an der frœlicher lîdunge, dô er sprach das si ze brôte würdin. denne ist der mensche ze lobende, sô er driu dinge dinne vindet. das eine das er si willeclîche lîde; das ander das er stæte ist an der vollendunge des lîdens; das dritte das sîn girde das lîden fûrkomen hât, wan enkein lîden ist volkomenliche genæme, des menschen herze habe des lîdendes ê von gotte begert. — daz ander ist ein volendendes lîden: das ist, sô der mensche in der lîdunge niht verzaget. vil guoter werke wirt dur got ane gevangen. aber sô man der pine bevindet, sô kêrent si wider. des enhânt die heiligen niht getân: si hânt gelitten unz das lîden si lâfsen muoste. si vollestuonden in dem lîdende unz das lîden niht mê materje vant, dar an es wûrhte. das wart wol schîn an dem sæligen Jobe, dô er in grôfser lîdunge sprach 'ich fröwe mich das ich weis das der mich pineget, das der niht müede wirt.' — das dritte ist ein gewillig lîden: das ist das der mensche die sache von der er lîdet niht enhafset. mêr er sol si minnen unde sol in guotes wünschen von den er lîdet, unde sol es niht enpfân als ein menschen werce, mêr er sol es enpfân als ein götlich werce; wan diu krône wirt gegeben dem lîden unde dem volenden. aber diu gezierde der krône lît an der grœzi der gedult. dis sint die steine mit dien sant Stephân ûswendig an dem lîbe gesteinet wart, aber inwendig an sîner sêle wart er gesteinet mit dem steine der von des himel-

schen vatters herzen als gester har ûf ertrîche geworfen wart als er selber.

V.

HEINRICH VON EGWINT.

1.

‘Meister, wâ wonestû?’ sprach einer zu unserm herren. dô antwurte ime Kristus und sprach ‘kum¹ unde sich selber.’ driu ding lèrent uns disiu² wort: von überflüssiger wisheit Kristi an den Worten der meisterschaft; von sînes unzmæssigen wesendes wâ, das alles wesendes gruntveste ist, sô er spricht ‘wâ wonestû?’ ze dem dritten mæle von unserme trôste an der ladunge gotes, dô er uns heisset das wir in mit dem geiste suochen in der herberge sîner gotheit, unde das wir selber lernen³ in der schuole der wisheit. dà von spricht er ‘kum selber und belîp mit mir und in mir: ich wil dir entsliessen das abegründe mînes hercen.’ ze dem andern mæle wirt gereifset⁴ unser geist von dem wâ des gotlichen wesendes. nû wîscent das dirre vråge begerent alle crêâtûre, unde dar umbe begerent si wesen, das si vinden gotes wesen, want aller nâtûrlîcher werke suochen ist niht anders wan ein jagen und ein suochen oder ein frågen⁵ nâch der wonunge gotes. und entêtin si des niht, sô gestüende der himil und das firmament. eyâ, guoten kint, wes vrågent ir ûswendig iu selber unde suochent got in frömden landen tötlicher dinge? dà vîndent ir niht: si loukenent alle und wîsent iuch fort unde sprechent⁶ ‘wir sîn niht got.’ dà spricht Augustinus ‘hebe dich über dich ûs in êwigiu ding, dà ist got.’ nû soltu merken das man got vîndet in mengerhande wîse, dà von diu sêle lère nimet.

Ze dem êrsten vîndet man got in der hœhi der buofse, alsô das diu sêle mit allen iren kreften sich des vlîset das si genzliche ablege eigenen willen. ie diu sêle sich mê ûebet an disen werken, ie si got nâwer vîndet in ir unde

V, 1. *Einsiedler hs. s. 175^b—179^b. überschrift roth* Dis hat geprediet brادر Heinrich von Eggewint. 1) kume 2) dis 3) leren 4) gereiset 5) fragent 6) sprachent

sich in ime. das meinert ouch der friedel in der minne buoche, dô er sprichet 'ich wil gân ze dem myrreberge unde wil sprechen ze mîner friundinne.' der berg der bitteren myrren ist diu hœhi des erhabenen geistes, der den willen aller eigenen genüegede wandelt in eine bitterkeit zuo allen den dingen diu got von uns nicht wil. har nâ spricht got in ¹ dem geiste ze der sêle 'friundinne mîn, dû ² bist alze schœne: dû bist vor mînen ougen aller vleckten vri.' swer aber nâch sînes willen fluote lebet, der envindet nicht got, und er verderbet allez des er beginnet.

Ze dem andern mâle vindet man got in dem grünenenden buschen ³ der wüstenunge, dâ in Moyses vant. der busche ⁴ in der wüstenunge das ist ein hôher muot, der in einer abgezogener frömdekeit gegen allen crêâtûren grüenet und beginnet ze blüejende in der hœhi der êwigen gotheit. und als gotlich wesen sich verstricket hât und umbevangen ist in den drin persônen, alsô hât dirre muot got umbevangen in sînen gedrieten kreften. dis grünen tuot die sêle wachsen an liechte und an minne, bis das si got beschouwet in Syôn des anblickes der engele. als vil hâst got funden, als vil dû dich von aller ungelicheit mê kêrest hiute danne gester. swer aber got alsus vinden sol, der muos alsus alle viheliche sinne verwerfen und triben mit Moysê under die meisterschaft der bescheidenheit, want fleisch unde bluot mag gottes rîche nicht besitzen. ich wæne, sêle, das alle dîne gebresten dâ von komen das dû der snellen bewegunge, diu von ûsen in das herze stôfset, volgest mit den werken ê das licht der bescheidenheit dar in liuhte.

Ze dem dritten mâle vindet man got ûf dem berge in dem nebele dâ diu ê gottes gebottes geschriben wart mit gottes vinger. der berg ist ein hôch tragende grôsherzig geist ⁵ der an enkeime sîme werke genüegunge noch raste vindet, er enwerde in allen sînen werken in gesetzt als sanctus Paulus mit eime ûsgedruhten zeichen des willen gottes, alsô das der wille der sêle niht alleine wirke menschliche werk nâch ime selber, mêr nâch in geschribener forme gotliches willen gotliche, ûf das diu sêle sprechen müge mit Paulô 'ich enleben iezuo ⁶ niht, mê Kristus lebet

1) me 2) dû 3) búschen 4) bosche 5) geist] ist 6) iezun

in mir. ich enlebe noch enwirken iezuo¹ niht, mêr gotliches wesendes formlichiu kraft wirket in mir.' dis geschieht in dem nebile, das ist in überglastigem glanze gotliches liehtes, want alles das lieht das man von crêâtûre nemen mag, das ist als ein naht wider dem tage; mêr es ist wol ein helfe ze dem gotlichen lieht ze komende, aber si sint ein hindernisse, sô wir ze lange ûf in mit geluste beliben. dà von spricht ein heilige 'die crêâtûre die uns got hât gegeben ze einer hantleitunge in got ze wisende, die hânt wir uns selber ze einer mûsvallen gemachet unde sîn in in behaftet unde beliben ûf dem wege der uns ze herberge bringen solte. har nâch vindet man got in der kruft mit den prophêten. man liset das der prophête kam in die wüestunge unde wunschte siner sêle das sie sturbe, want er müede was worden in dem geiste von unruowe dirre welte, und in dem slâfe kam ein engel unde saste ime zuo ein ascherkuochelin² und einen kruog mit wasser. dar nâch gieng er vierzig tage unde nacht âne spîse bis an die stat dà er got vant. dô kam ein sturnwint³ der steine brechen mohte, und in dem winde was niht got, want soliche geiste flühet got, den die sturnwinte⁴ wægent, die Daniël der prophête sach strîten in dem mer, das ist in ungeordneten herzen umbescheidenliche vorhte oder hoffnung; want si blendent das licht des geistes. ouch bediutet uns der sturnwint ein unruowig herze das an allen dingen sich bitterlich erbiutet sinen ebenkristen. das es steine brichet, das ist das es grôshertzige liute ûfser irme friden setzet. — dar nâch kom ein flur und in dem fiure was ouch niht got. flur ist ein ding das niemer spricht 'gnuog', unde bediutet ein herze das niemer spricht 'gnuog', mêr es begert ze bringende âne mâtse an den dingen diu gotlich niht ensint. susliche undancnæmekeit verderrent den river der gotlichen fluote. — har nâch kam ein süelfses meigentou. in dem kam got. das ist ein gemüete das an einer gotlicher glicheit⁵ süelfser wandelunge in dem ewigen worte formet vernunftigiu wort, dà mitte der gernde geist mit gotte lise rûnet âne wort und âne lût und in ime singet der minne dôn, unde doch âne schal. dar inne kumet got, want in suslichem

1) iezun 2) ascherkûkelin 3) strunwint 4) strvnw. 5) glicheit
Z. F. D. A. VIII.

kôse wirt in stæter¹ sicherheit got getragen in die sêle. dirre sicherheit sint unwirdig die ze vil von ûssen intragent wort der liute oder joch eines engels. unde des begert diu brût in dem buoche der schœnen liebi, dâ si sprichet, das ir der nortwint rûme.² dâ meinet si alles das intragen der crêâtûren wider den geist. gegen disen norden was gekêret der glüegende³ haven, den der prophète sach, in dem alles grünen gotlicher gâbe verdorret,⁴ unde denne sô wirt in der geist unruowig, want er kein enthaltnisse hât an inwendigen sachen. dâ von sprichet diu sêle 'kum, süeser ôsterwint, unde durchwæge mînen garten, ûf das mîn herze flüetig werde eines gotlichen rouches.⁵

Ze dem vierden mâle vindet man got ober den engeln, want diu sêle muos über engelsches licht erhaben werden, ob si got vinden sol, diu doch nâtûrlîche under den engeln stât. — har nâch vindet man got in dem vater. alsô muos diu sêle alliu ir werk gotte ûf tragen vrilîche von aller dîner selbesheit, ob dû in vinden wilt, als das êwige wort sich selber ûf treit in dem vater.

Ze dem sehsten mâle vant Jôhannes got, dô er sprach 'in dem beginne was das wort.' nû vrâgent Andrêas und ein iekliche getriuwe sêle mit ime 'meister, wâ wonstû?' Jôhannes zeigt iuch in das begin. das wir got alsô suochen, das wir in vinden in ime selber, des helfe uns got. âmen.

2.

In den henden sulen die laternen¹ briunen. Dyonysius sprichet das got hât vereinet das ende der êrsten mit dem ende der andern. diu êrste crêâtûre ist lûter² vernünftig als der engel; diu ander ist vernünftig mit materiën, das ist der mensche. dâ nû³ das licht der sêle tunkel undergât, dâ enpfenget sich der êrste glanz der sêle, das ist diu forschende kraft, diu das licht der wârheit suochet mit verwandelunge zuo und ab nemender bilde. dâ alleine enprennet das licht der lûtren vernünfte mit inblicke der wârheit

1) stetter 2) rûme. *vergl. hohelied* 4, 16. 3) gelûgende.
4) verdorret 5) roches

V, 2. *Einsiedler hs. s.* 179^b — 182^a. 1) luternen 2) lûter 3) nû

in eime lustigen vriden âne bewegunge, unde das ist der sache dâ von ein meister (sprichet) 'das lieht der bescheidenheit das blenket ûs dem schatewen der vernünste.' und alsô wirt diu sêle gehantleitet in das bekennen der êrsten nâtûre. in einem mittele wirt diu sêle vor geleitet in die êrsten sache. want aber êwigiu himlischiu ding beide liplich unde geistlich sich mit den ¹ nidersten dingen niht gemeinen mûgen in dem liehte, alsô das joch das êrste werc gottes in der sêle behafte, das aller gottes offenbârunge der sêle vorweg unde gruntveste ist; unde das heîssent die meister ein lieht, das ist gnâde. went aber wir âne dis niht sælig werden mûgen, sô manet uns got das wir das lieht in den henden tragen und es in uns niht verblenden, und in dem liehte wider ze gotte klimmen, dâ wir unser hœchste sælîkeit besitzen.

In disen worten lèret uns got zwei ding, dar an aller geistlicher liute guot lît, das ist bekennen unde minnen. das êrste gehœret den sun an, der in sîme ûs gruchten (?) glanzerichen bilde die sêle leitet in das grundelôse abgrûnde der übergieffender vernünfte des vater. das ander gehûrt dem heiligen geiste, der die sêle mit überflusse siner lust alsô ob allen dingen kêret, das ir aller crêâtûren zuoffus swær unde bitter wirdet von übertragender minne. das êrste meinet got in dem liehte, das ander in dem fiure.

Ze dem êrsten saget diu schrift von sibem leige ² lichte. das sint werc des geiste. werc meine ich, in dem alleine der funke rehter bescheidenheit liuhtet, diu das werc âne underlâs ordent in das hœchste guot der sêle als in ein ende. niht in das ende geschafner dinge, want dâ von wirt der sêle guot ze mâle verlorn. ze disem gehœret das dû in allen dinen werken ane blickest die regel der wârheit diu in dem obresten rîche dîner sêle blenket êweklîche. das ist der funke oder der glinster der sêle, der uns alle zît râtet das dû einen ieglichen menschen erlâssest des ³ dû von ime wilt vrî sîn, als ob aller mensche nâtûre in dir begriffen sî unde dîn nâtûre aller liuten wesen sî unde dû dich selber ansehest an ieklichem menschen und einen ieklichen menschen in dir. dis machet ein ungewonliche wunne unde lust

1) dem 2) lege 3) das

in den werken des geistes, diu wunne den fleischlichen ougen umbekant ist. dà von sprach ein bruoder das er dicke in dem gebette wære in suslicher unsprechlicher lust das er sich niht wolte entschüten ûfser ruowe des geistes ûf das er vor sînes klôsters porte Kristum schouwen wolte¹ an sîner blôfsen menscheit, als er geborn wart von Marien libe, swie doch die engel schöpfent unsprechliche lust in dem lieplichen anlütze Kristi. eyâ, lieben kint, forment iuweriu werc nâch disem bilde in iuwers muotes verborgenheit und enplœzent iuwer begirde nâch dem hœchsten guote das in dîner sêle liuhet. want sô dîn geist gefriet ist an sînem werke und alzemåle abgezogen in das vrie wesen gottes, sô muos in dir sterben alliu vorhte und engi des herzen, swas dà ist von ûfsen in gedrunge. alsô wirt dem geiste gegeben das in gottes geist tribet in alliu² werc. das etwenne von gotlicher absunderunge der sêle von tœtlichen dingen der lip nâchvolget wider der nâtûre unde hanget inmitten in der lust, das machet der înfus des gotlichen lichtes in allen werken.

Das ander licht das ist das licht des gelouben, das ist sam ein forme des lichtes das der sêle nâtûrlich ist. want diu sêle enmag sich niht erbieten in das überswebende³ licht, si enwære widerslagen. dà von tribet das licht des gelouben die sêle fort in got, swie es doch si mit bilden als in eime spiegel niht enplœzet wesen(?), das wir an diser welt blœsliche niht erkennen mûgen. doch sprechent etliche meister dà wider unde sprechent, got möhte eine crêâtûre schöpfen der er gæbe ein nâtûrlich licht das grœfser wære denne das licht der glôrie, in dem die engel blôstliche schouwent. wâ von sprechent si 'möhte den got niht înblicken ein ein(?) licht der sêle in dem si got lûterliche sâhen?' her zuo antwürte ich, und gæbe got der sêle ein natiurlich licht, das tûseng stunt glanzer wære denne das licht der glôrie, doch enmöhte si gotes wesen dar inne niht beschouwen; want das schouwen wirt vollenbrâht in eime unsprechlichen ûbernâtûrlichen anrûerende oder in einem entsinkende des wesendes gotlicher formen âne mittel in die sêle. diu himelsche înformunge mag dir hie niht geschehen âne mittel;

1) sollte? 2) allen 3) überswebede

aber doch muostû dich hie wenen und ïnkêren unde dich halten in stæter¹ vriheit des geistes âne snelle bewegunge unstæter dinge diu den klâren aneblik des gotlîchen wesendes vermittelent. sô dis in dir geschiht, sô soltû bevinden das alles das das under der sunnen ist anders niht enist denn ein îtelkeit und ein geisel des geistes.

3.

‘Seht, elliu ding verniuwe ich.’ dis wort schribet sanctus Jôhannes in dem buoche der offenbârunge, unde liset man es ze der kirmesse. Augustînus¹ spricht das kuntlich sî ze suochende den willen gottes, unde frâget ‘war umbe tet got das und das?’ want suochen ist ein sache des willen gottes, das ist suochen ein edelres und ein êrsteres² denne got sî, des wille er selber ist. swer aber suochet das iht ist, der vindet niht. dâ von bewar sich menschelich fürwitz,³ das er niht suochende das niht ist verliese⁴ das iht das êwig (ist). alleine wir nû der sache niht envinden, war umbe got der crêâtûren wesen geschaffen habe, doch vinden wir ein zeichen einer zimlicheit, unde das ist dâ von das diu crêâtûre unde sunderliche engel unde mensche die überfluotigen wunne in den driên persônen in ires selbes wesendes êwekliche gebrûchunge unde gemeinschaft hæten an einem blicke des geistes ûf gotlîcher nâtûren essentie, in einer verstrihter weslîcher gegenwürtikeit der bildefrîger formen gotliches wesendes. in dem ortlichte der vernünste des geistes in dem lit der grunt der sælekeit. dar nâch sô gêt unde grüenet ûs dem⁵ willen ein vorspil lüstiger gebrûchungen, unde das zieret das aneblicken als diu jugent das alter unde daran wirt offenbâret diu stolzheit unde der ruom sîner êren allen crêâtûren, unde dâ von spricht er ‘seht, elliu ding verniuwe ich.’ dirre êwiger wirtschaft begengnisse ist diu kirmesse, diu uns bezeichnet ist an disen worten. want aber got alle sîne fröide dem geiste des menschen sunderliche berihtet hat, êwekliche in ime sælig ze

1) stetter

V, 3. *Einsiedler* hs. s. 182^a — 185^a. *überschrift roth* Von Egwind.

1) August

2) erstes

3) fürwis

4) verliesse

5) den

sinde, dā von rüeret uns got an in disem worte zwei ding. ze dem êrsten der sêle nātūrlīche edelkeit, dā er die sêle nennet ¹ mit dem namen aller dinge. ze dem andern māle trifft er der ² sêle nātūrlīche vollenkomenheit, das līt an dem ingeleite der sêle mit bekennende unde mit minnende in dem aneblicke gotlicher blōfser nātūre. unde das tuot ³ er uns an dem verniuwende der sêle.

Nū merke ze dem êrsten wie diu sêle elliu ding sī. si hāt wesen mit den steinen unde wahren mit den böumen unde bevinden mit den tieren unde verstentnisse mit den engeln. ze dem andern māle ist si in allen dingen glich an abkêrende der bilde mit der vernunft. dā von spricht der meister des buoches von der êrsten sache, das diu sêle geschaffen sī in dem orte zwischen zīt und êwikeit. dā von blicket si in beide unde besliufset si bekentliche in ir. dā von sint elliu ding geordent ze dem menschen. dā von schuof got den menschen nāch allen crêâtūren an dem sechsten tage, dā er ougen weide unde wunne daran hæte, sō er sīn selbes gotlich bilde anblihte in der sêle. noch mügen wir die sêle meisterlich glichen allen dingen, want diu sêle mag aller lōnbærer crêâtūren lōn unde gnāde erwerben, als wir sunderlīche vinden an der sêle Kristī und unser frouwen unde joch mē dan die engele. want diu sêle mag zuo nemen ān ende. und ouch want der sêle verdienen hāt kraft von der lōnbæren gnāde Kristī, diu enteil (*so*) unmæf̃sig was, dā von enmohte nie crêâtūre geblicken von ir nātūre in den spiegel gotlicher nātūre weslīche, joch engel von dem höchsten kōre, āne eine sêle, das was Kristī. dā von spricht unser herre 'werden ich erhaben von der erden, so ziuhe ich elliu ding ze mir,' unde meinet die sêle. — das ander ist von dem verniuwende der sêle. nū merket, swas niuwe ist das ist sīme beginne nāhe. das gespring der sêle ist das êwige entgoßene ūs dem herzen des vater, unde das ist in formlicher wīse. aber nāch sachelīcher wīse ist alle. diu alle (?) drīvaltikeit ursprung; niht nāch eime widerblickenden underscheide der persōnen, sunder nāch blōfser gemeinheit einer essentien unde dar zuo mit eime vorsatze des willen gottes nāch êwiger ordenunge der wīsheit, anders diu sêle

1) nēmet 2) die 3) rēt

wære êwig mit irm gesprunge, unde das versaget der gloube. nû sprichet got, er welle die sêle zuo ime füegen, das si wider niuwe werde, als si sich von ime geferet¹ hâte, unde dà von in tôtmâl der unglîchnisse von anevallê tôttlicher dinge gestürzet ist von irme êrsten glanze unde von irre êrster ûs gotte gesprengeter niuwe, ûf das diu sêle sprechen mûge in dem geiste mit dem prophêten 'mîn jugent ist verniuwet als der adelar unde mîn leben das widerblûeget in mîme gotte.' das geschiht von gebote unde von râte an den sibên tugenden, an den sehs werken der erbarmunge, an den ahte sælekeiten und an den zwelf wunneklichen frûhten. wol ûf, vrô sêle, verniuwent iuch! dis ist iu an dirre welte mûglich. noch meinet dis got alleine niht, want an disem lebende ist noch diu êrste kirmesse niht vollenbrâht; want der bilder diser vollekomenheit ist erzeiget in der hôhen gotheit. dà verniuwet got die (sêle?) ze der êrsten hœhi unde puret si von dem tôtmâlê der nâtûre in allen den kreften unde setzet si in den glanz der glôrie. dar nâch verniuwet got die sêle, sô sich diu sêle schouwet in dem blôfsen wesende gottes: sich, sprich ich, als sich, das ist sælig unde wese-lich unde das ist nâtûrlich unde geislich. dar nâch schouwet si sich niht also sich, sunder si schowet² sich also in gotte êweklîche unde gotlîche. — ze dem dritten mâle verniuwet got die sêle ûf das leste, sô er sich ir³ in einer êwiger niuwer grûenender klârheit sich erbiutet der vernûnft unde mit zuo spilender wunne der begirde, alsô das diu sêle iemer durstec unde trinkende ist. dà wirt ouch diu sêle getoufet in gotlicher nâtûre, dà si gotvar glanz enpfâhet.

4.

Si quis vult etc. alle crêâtûre hât got ûs sich entgolßen an ir nâtûrlich wesen, ûf das si widerfliessen mit loben fluoten. dar umbe hât got sin nâtûrlich bilde, sînen sun, den liuten geoffenbâret, das si ime nâch kriegende geleitet¹ werden in eines entgeisteten geistes üebunge, in das

1) geferet 2) schowe 3) sich ir ist wol zu tilgen.

V, 4. *Einsiedler* hs. s. 185^a—188^a. überschriift roth bruoder Heinrich von Egwint. 1) geleiten

êrste umbegriffliche wesen. want aber lit aller vollekomenheite hœster grât an¹ enplœzunge des geistes von allem anvalle der unglichnisse unde von trôste der crêâtiure, sô spricht got 'si quis vult etc.. swer komen wil ze mir, der verloukene sich sînes selbes unde habe ûf sîn kriuze und folge mir.' dis wort vernimet man in viere wîse. Grêgorius und Orienes sprichet: der mensche verzihet sich sînes selbes der von sîner stokheit sich kêrt in ganze diemuot unde von gîtekeit sich kêrt in versmæhnisse irdenscher dinge, ûfser sînem eigenen willen sich kêrt unde gottes willen fûrderlîcher suochet denne sîn eigene sælekeit. hie von ist geschriben in dem buoche das dâ heisset der brunne des lebendes, das ein junger frâgete sînen meister wie er geverret wûrde von dem tôde und er begriffe den brunnen des lebendes. dô sprach der meister 'dû solt dich verren von allem dem² das die ûfsern sinne bekennent; unde mit dem obersten dîner sêle erhebe dich über dich selber in diu ding diu ober allen wandlungen swebent, diu enkein zît rûeren niht enmag. dar nâch soltû gânzlich dich erbieten gegen dem milden spender aller gûete. swenne dise³ werk an dir vollenbrâht werden, sô umbevâhet dich der brunne des lebendes.' noch rûeret dis wortelîn Jôhannes mit (dem) guldinen munde unde sprichet 'swer wil sælig werden der muos zem êrsten geliutert werden mit lîdunge; dar nâch muos er allen dingen sterben unde das si stirbet allen dingen.' Grêgorius sprichet, das der mensche niht enmag smecken diu ding, diu ober im sint, er ensmecke ê das er selber ist. Augustinus sprichet gar eben ze diser rede unde sprichet 'swer wil das sîne sêle durgolsen werde mit dem liehte, der sol ze dem êrsten gesunt machen das inre ouge der sêle. dar nâch sol er sich wenen unde bestaten in der gesuntheit, das der sêle ouge das überswebende licht geliden mûge. ze dem dritten mâle sol sich das ouge niender anders kêren noch bougen den⁴ in das lieht, unde sol ouch niht anders meinen in dem liehte den das lieht selber. swer sich aber in kêret ê das ouge lûter werde, der wirt widerlagen, want das lieht verblendet kranke ougen. dâ von wûnschit kûnig Dâvît eines reinen herzen unde dar nâch des

1) anc 2) allen den 3) dis 4) bogende in

heiligen geistes, der niemande gegeben wirt, sînes herzen gedanke sîn erzogen unde geverret von aller begerunge tâtlicher dinge. nâch dieser gerunge volget das vierde, das es iezunt niht alleine ist ein gart, mêr ein wonunge in dem unsprechlichen liehte, dâ man ¹ wêrlîche siht unde bekennet das alles das ein îtalkeit ist das diu sunne beschînet. noch dunket mich das man dis wort künstelicher verstan mûge, swer mir volgen wil. got ist ein lûter wesen unde niht ist an ime das iht anders sî denne wesen. swenn ich denne ² spriche, got ist got oder guot oder milde oder wîse oder swas ich anders von gote sprechen mag, das enzeiget alles anders niht dan ob ich einvaltenklîche spriche, got ist. want gotes wesen, das ich nenne ³ sô ich spriche got ist, das ist sîn gotheit, sîn êwikeit, sîn wîsheit, die ich nenne ⁴ sprechende sô ich spriche got ist guot oder wîse. dâ von sprach er ze Moyses 'dû solt sprechen, der dâ ist der hât mich gesant.' das aber iht trifftet under got, das vellet zehant in iht. dâ von mag ich iezunt niht sprechen, das ist. ich spriche wol, das ist ein engel, unde dâ ich spriche engel, dâ versage ich ime iezunt ein ander wesen, das ander crêâtûren habent. noch dâ von das der engel sîn nâtûrlich wesen eine treit und ein nâtûrlich val ist under got. noch denne von der næhte ze gotte geschihet das das ein ieklich engel besitzet alles den grât (der) sîner nâtûrlicher vollekomenheit mûglich ist, unde dâ von kûmet das eime ieklichen grâte engelscher nâtûre ist ouch ein engel. als manig grât ist, alsô manig engel ist, noch minre noch mê. har an mag man merken wunderlîche gezierde der engele unde vollekomenheit an tugenden die si habent von nâtûrlicher næhte ze gotte. doch want si under gotte sint, sô sint si iht, das iht das wesen hât. want ouch menschliche nâtûre under got nâtûrlichen vellet, sô enist ouch der mensche niht das wesen, want menschlich nâtûre verrer vellet under got denn engelsche nâtûre. unde dâ von ist das enkein lûter mensche alles das besæfse ⁵ das menschlicher nâtûre grât geleisten mag. unde dâ von kumet das in eime grâte menschlicher nâtûre vil menschen ze mâle ist, unde dâ von

1) nam 2) swenden 3) nemen 4) nême 5) besessen

bin ich unde ein ieklich mensche und ein ander mensche, dirre ietweders ist das wesen. mêr das wesen aller crêâtûren ist ein ûsflus von dem lûtern brunnen des gotlichen wesendes unde gotlicher nâtûre, diu das wesen selber ist. want danne alle ûsflûsse kriegent wider iren gespring, dâ von sol engel unde mensche sich verziehen das er selber ist unde sich werfen in das wesen das ze gotte widernâtûrliche kriegende ist, want es dannen gevlofsen ist. unde dâ von kumet der engel unde der mensche mit fliefsende ze gotte, enkleidet von irdischem anevalle. dâ von ist wol gesprochen 'swer komen wil ze mir in das lûter gotliche wesen, der verziehe sich sînes selbes das er ist unde volge dem von dem er ist.' swer dis wort vollenfûeret, der hât begriffen den gotlichen hort geislicher vollekomenheit, unde von dirre nâchvolgunge wirt er vort geleitet in das êrste guot, das nie ende noch aneenge gewan. har zuo helfe uns got. âmen.

VI.

BRUODER ALBREHT DER LESEMEISTER.

Unser herre Jêsus Kristus spîste fûnf tûsent man unde frouwen unde kint, diu ouch dâ wâren, mit fûnf brôten unde zwein vischen. daz volk hete im nâch gevolget in die wûesten unde sâzen ûf dem hâuwe. daz bezeichent wol die im habent nâch gevolget in daz geistliche leben. daz hâu bezeichent disen kranken lip den si besezzent habent daz er under in muoz sîn. diu fûnf brôt bezeichent fûnf dinc diu si alle zît in ir herzen sûln haben unde dâ von gefuoret unde gespîset werden. diu brôt wâren girstîn unde rûch¹ in dem munde unde müelich ze ezzenne. unser herre tet dâ zuo die zwêne vische unde temperte ez dâ mite unde tet sîn selbes segent dar über unde brach ez selbe, daz ez in gar sûeze unde guot ze ezzenne wart.

Daz êrste brôt ist diu gehôrsam. daz ist girstîn unde stichet vil sêre in dem munde. senfter wære ein halsperc ze tragenne oder vil ze vasten oder ander arbeit des lîbes ze lîdenne einem menschen, denne allen sinen willen ze gebenne in eins andern

VI. *Münchener hs. cod. germ.* 100, *perg.* XIV *jahrh.* 8^o, *bl.* 177^a — 182^b. 1) rûch

gewalt, daz er sîn selbes willen niht erfüllen mac, noch ein wort sprechen¹ noch niht tuon wan als jener² wil dem er gehôrsam ist. swer des bereit ist williclich ze lidenne, daz ist mêr ein zeichen von im der rehten heilikeit denne ob er einen tôten von dem grabe hieze ûf stên aber diu gehôrsam sol haben zwô bescheidenheit. diu êrste ist, ob man dem menschen ein ampt enpfilhet, dà gewalt und êre an sî, sô ensol er niht willen haben zuo den êren, daz er dar durch iht gehôrsâm sî; oder ez ist mêr ein gerunge der üppekeit denne ein gehôrsam. diu ander ist, ob man im iht enpfilhet daz smæhe oder arbeitsam sî, als diu smæhen ampte unde dieneste, dar zuo sol man willeclich gehôrsam sîn. der niht über mac werden etlicher grôzer ampte, der hüete sich vor dem willen zuo den êren. als mûgelich ist vergipnûfse zuo enfahenne an der gehôrsam als an unsers herren licha- men Judas enpfien den vint. ditz brôt ist allez girstîn und als stechel³ daz ez nimmer kein mensche enbizze, want daz ez unser herre selber geseget unde gebrochen hât unde joch vorgezzen hât, dà mite er selbe alsô gehôrsam was si- nem vater. er was gehôrsam zuo der armüete, zuo der arbeit, zuo der smâcheit, zuo den scheltworten, zuo dem kriuze biz an den tôt. er hât ez unz zebrochen mit der minne, daz er die minne dem menschen als kleine machet daz ez alliu diu arbeit kleine dunket und ein niht daz ez tuot.

Daz ander brôt ist andæhtic gebete. daz ist ouch gir- stîn, von dem gedanken die dem menschen zuo kument durch die fünf sinne, daz ez sô sêre bekumbert wirt mit dem daz ez gesehen unde gehœret hât daz ez underwilen dannen gêt. man sol sich aber twingen daz man dà belibe. unser herre hât sînen seggen ouch dar über getân, wan er hât ge- sprochen, er welle si hœren die mit betrüebetem herzen sîn. er brichet ouch diz brôt mit der heizen andâht die er git dem menschen. zwei dinc sol man tuon an dem gebete. daz ein daz der mensche bekenne wes im gebreche unde des unsern herren bite. maniger spricht 'unser herre weiz wol wes ich bedarf.' nein, wir sülûn bedenken selbe welher tugent uns gebreche; der sülûn wir gern unde dar nâch ar-

1) spreche 2) einer 3) vergl. *Graff* 6, 637 stechilin, tor-
tus panis.

beiten. daz ander das der mensehe ze jungest an dem gebete unserm herren danke aller sîner gnâden, daz er uns von niht gemachtet hât unde sô manigen heiden unde juden læzet sterben unde sô manigen in sünden sterben und uns von sünden genomen hât, als under sînen¹ mantel, unde manigez von sînen grôzen bekorungen læzet in sünde vallen; unde suln² in bekennen unde loben³ sîner gnâden. unde diu grœste gnâde ein ist daz er gît dem menschen daz er wol beten mac unde lange und im wol dâ mit ist.

Daz dritte brôt ist alsulich⁴ trahten daz die gedânke dikke kument ûf ein dinc, als man iezuo dâ von denket, daz man aber anderweide dar zuo kumet mit gedanken. daz sol man tuon dem gotes wort. dâ von gebôt unser herre in der alten ê, swaz vihes niht idrokete,⁵ daz ez unreine wære. er meinet dâ mite die geistlichen bezeichnunge. daz gotes brôt⁶ ist ein brôt und ein spîse der sêle. diz brôt ist ouch girstîn, wan ez müelich ist dâ von ze trahtenne unde ze behaltenne. und etliche sô si ez hœrent, sô merkent si ez dicke ûf einen andern mêr denne ûf sich selben unde gedenkent oder sprechent 'wê, wie rehte dem daz kumet!' unde wellent ez selbe wênic betrahten oder behalten. diu schrift sprichet, als daz unkristenlich wære der unsers herren lîchamen unwirdenlichen handelte, als ist ez grôze sünde der sîn wort mit unzühten hœret oder versmæhlichen. sîn heiliger lîchame⁷ ist er selbe. daz brôt segent unser herre mit sîn selbes munde, dô er selbe sprichet 'non in solo pane vivit homo.' ze dem andern mâle durch hern Moy-seses munt in genesi 'kein krût, kein pflaster mac uns heilen sunder dîn wort.' der mensehe sol ein pflaster machen von dem gotes wort. sô er hœret sagen von der minne oder von den andern tugenden, daz neme sich an unde füege ez an sich, daz ez im ein pflaster werde unde sîne sêle

1) sinem 2) suln fehlt. 3) lobe 4) als sulch 5) So steht in der hs.; das wort, dessen bedeutung nur numinare sein kann (vergl. Moses 3, 11), scheint aber verdorben und ich weiß keine besserung wenn es nicht in widerköute zu ändern ist. zwar ist das selten vorkommende kiuwen ein starkes verbum; doch zweifle ich nicht daß die schwache form schon früh eingedrungen ist. [itaruchjan ruminare Graff 2, 435. Schmeller 1, 475. dasselbe wort habe ich verkannt zeitschr. 5, 174. Haupt.] 6) wort? 7) lîchamen

heile. unser herre brichet daz brôt, sô er ez dem menschen gît ze verstên drî wîse. sô ez dicke dar nâch trahtet, sô gît er im ze verstên in der trahtunge oder an sînem gebete oder sendet im etwen zuo der sîn in bescheidet.

Daz vierde brôt ist diu anschouwe unsers herren wârheit, daz man sich dar an wundere. der mensche muoz sich müezigen vor irdischen dingen unde joch im selber enbrechen, daz er verlâze sîn selbes nôtdurft und ungemach, daz er müge schouwen und andenken unsers herren wârheit, sîne wisheit, sîne güete, sîne kraft, unde wie er die engel geordent hât unde die heiligen geêret, unde wunder sich dâ von unde bezzer sich dâ nâch. der mensche sol nâch der beschouwede¹ stâtikeit an sich nemen unde sol niht kêren zuo der îtelkeit noch zuo der lachenne noch zuo unnützer rede. sîne site unde sîne gebærde sûln stæte belîben.

Daz fünfte brôt mac wol heizen sælikeit. die heiden markten hie vor waz dem menschen daz beste wære. dô sprachen si, daz der mensche nâch sînen muotwillen lebte; unde vunden ein bezzerz, der aller meist wisheit hæte; unde vunden dô daz beste, der aller volkomest wære an tugenden, daz der aller sæligest wære. leit unde sælikeit mügent bî einander niht gesîn. alle die wîle der mensche von got empfangen ist und in sîn heinliche gefüeret ist, sô enmac in kein leit berüeren. sanctus Paulus wolte dâ von niht offentlichen reden unde sprach von im selbe 'ich weiz einen menschen, der wart in den dritten himel gefüeret unde sach unde hôrte dâ dâ von uns niht müezlich ist ze reden.' daz si uns ein lêre daz man solher dinge niht vil künden sol die sîn gesehen. diz selbe brôt ist ouch girstîn dâ von daz si her wider müezent zuo den irdischen dingen. Augustîn sprichet 'herre, dû bringest mich underwîlen in ein ungewônliche süeze. volekome dû an mir.' wære daz niht himelriche, sô enweiz ich niht, waz himelriche ist. âmen.

1) besauwede

VII.

DER KRAFT VON BOYBERG.

Herre almehtiger¹ got, alle ding sint in dîner gewalt. gewalt und hêrschaft lit an zwein dîngen, an friheit und an besitzunge vil guoter dîngen in friden. was ist friheit? dà sprichet² ein heidenischer meister 'das ding ist frî das an nihte hanget und an dem ouch niht enhanget.' dar umbe³ enist nihtes niht⁴ frî wan⁵ diu êrste sache, diu dà⁶ ist ein sache aller sachen.

Zuo der hêrschaft hoeret⁷ ouch das man besitze vil guoter dinge unde schoener.⁸ nû ist got al guot in al; dar umbe⁹ besitzet er sich in al. want swas got hât, das ist er in al. daz man sprichet das er habe minne unde willen, wîsheit, gûete etc., das ist er. wan dis got ist, har umbe enist nit niht, wand got è was dan niht. gôt enhât kein vor noch nâch: mêr niht hât volgen; sîn volgen ist iht. des nihtes vor ist got, wan er è was dan niht. des nihtes volgen ist iht: alsô enhât got kein vor noch volgen.¹⁰ eyâ, diu sache aller dinge, diu in ir selber swebet in eime unterscheidenlichen liehte, das er selber ist! got ist ein licht in ime selben swebende in einer stillen stillekeit.¹¹ das ist das einege licht, das einege wesen¹² sîn selber, das sich selbe verstêt unde bekennet.¹³ diu verstentnisse difs¹⁴ einengen liehtes das ist das licht vonme¹⁵ liehte, das ist diu êwigiu persône des sunes von der êwigen persône des va-

B (handschrift der Basler universitätsbibliothek a) B. IX. 5, perg. 14s jahrh. 4^o. b) B. IX. 10. perg. 14s jahrh. 12^o IX. 10. bl. 225^b—236^a. — *E*, handschrift des klostere Einsiedeln 278. bl. 184^b—186^c. — *N*, handschrift im kloster Neuburg, 1141, perg. 14s jh. bl. 42^a—47^b. — Basler druck von 1522. bl. 247^c—248^d. — die überschrift ist bloß in *B*. — Kraft von Boyberg ist ohne zweifel eins mit dem bruder Craft der in einer in den altd. blättern 2, 97 ff. abgedruckten theologischen abhandlung genannt wird. 1) al-gewaltiger *B*. 2) dz spr. *B*. 3) har umb *BN*. 4) nû fr. *B*. 5) wand *B*, dan *E*. 6) dà fehlt *E*. 7) gehœret *EN*. 8) sch. dinge *EN*. 9) und d. *EN*. 10) daz man — noch volgen fehlt *BN*. 11) stillheyt *dr.*, stille *EN*. 12) und wesen *E*. 13) ercheñet *N*, keñet *E*. 14) difses *E*, des *BN*. 15) von dem *EN*.

ters. der vater sprach ein wort, das ¹⁶ ist sîn sun. an ¹⁷ dem einigen ¹⁸ worte sprach er elliu ding. das wort des vaters ist anders niht dan sîn selbes verstantnis. das verstantnis des vaters verstêt das verstantnisse, ¹⁹ unde das das verstantnis ²⁰ verstêt das ist das selbe das er ist, der es dà verstêt. das ist das licht vome liehte. ²¹

Har ûf sprichet Job, got sprach ein wort, das was das einig verstantnis sîn selbes: das was sîn sun. an dem ²² einigen verstantnisse verstêt er elliu ding unde verstuont ²³ si schöpfende ²⁴ von nihte. das sint si an in selben. aber das si êwiglich an ime gewesen sint, ²⁵ das wâren si âne ²⁶ sich selber. dà si ane wârent, das was er selber: want got enist niht, es ensi got, want got ist âne ander. ²⁷ alsô sint alle crêtûren ein licht, want si in dem liehte der einikeit unde der êwikeit ²⁸ verstanden sint. dar umbe ²⁹ fließent alle crêtûren ³⁰ ûs als ein licht ze offenbârende das verborgene licht. har ûf sprichet sant Jâcob 'alle guote unde vollkomene gâben koment von dem vater der liehte.' hie bi ist ze verstände, ³¹ das elliu ding ein licht sint, want si der vater ûs geschincn ³² hât ze offenbârende das verborgene licht. ³³ alsô als alliu ding ein licht gewesen sint ûs fließende, alsô sint sint si ouch alle ein licht wider in ze ³⁴ komende, diu sich eht ³⁵ mit vriem willen dà von niht enkêrent. eyà, die dà stæte belîbent vor manicvaltikeit, ³⁶ was liehtes unde gnâden den ³⁷ geoffenbâret wirt! wand das oberste guot ist alsô geordent gegen der sêle ³⁸ das si is ³⁹ enpfæhet ⁴⁰ sunder mittel, alse sant Dyonîsius sprichet 'das mittel ist licht, unde gnâde diu erliuhtet die verstantnisse.' ⁴¹ was ist verstantnissi? das ist verstantnis, das man verstêt ein ieclich ding, als es ist lûterlich unvermenget unde gewis

16) spricht — wz *B.* 17) in *E.* 18) einigen *E.*, ewigen *B.*
 19) verstantnis *E.* 20) das verstantnis *fehlt B.* 21) in dem l. *B.*
 22) in dem *B.* 23) verstat *E.* 24) schaffende *E.* 25) gew. s. an gotte *B.*
 26) sunder *N.*, vnder *B.* 27) ist andern *B.*
 28) dem liehte *und* und der êwikeit *fehlt B.* 29) und dar u. *E.*
 30) alle ding *E.* 31) ze prüvenne *E.* 32) geschinet *E.* 33) sine verborgenheit *E.*
 34) ze *fehlt E.* 35) eht *fehlt BN.* 36) die sich vor m. behütent *E.*
 37) den *E.*, in *N.*, inen *B.* 38) selen *E.*
 39) si is *E.*, si nu *N.*, si nicht *B.* 40) enpfaget *B.*, mac enpfan ane m. *E.*
 41) de verstantnis *E.*, v. der sele *B.*

âne irrunge.⁴² har ûf sprichet sant Dyonisius 'müezigent iuch von allen dingen ze bekennde unde ze verstênde das oberste guot, das got ist.'⁴³ was sülen wir an gote verstên? das er ist ein einigiu kraft. unde dâ von sülen wir uns einigen,⁴⁴ das diu einigiu kraft⁴⁵ in uns gewirken müge. er ist ouch ein guot das elliu dink beweget zuo irme guote, das er selber ist,⁴⁶ und er belibet doch⁴⁷ selber unbeweget. er ist ouch ein lûter einvaltikeit; unde ie diu sêle einveltiger ist,⁴⁸ ie si die einvaltikeit bas verstât. wie sülen wir recht einvaltig werden? dâ sülen wir gescheiden sîn von allen dingen unde von uns selben zuo bekennde unser sinne⁴⁹ und alle diu werk der krefte der sêle dan alleine die oberste des verstentnisses: lâ das alleine wirken mit gote. noch danne stêt einer lidiger sêle das ze lâzenne, und lâz got alleine wûrken sunder hindernisse: sô wûrket er vollelich sîn gelichnis an ir unde wûrket si an sich. sô verstêt si mit ime, sô minnet si mit ime. dis ist das wesen der vollekomenheit. etliche vrâgent⁵⁰ ob wir got minnen mit der minne, dâ sich der vater unde der sun mit minnent. nû merke.⁵¹

Ez ist zweier hande minne in uus.⁵² diu einiu ist ein⁵³ tugent. an der minne⁵⁴ wachsen wir âne underlâs, unde swas wir guotes getuon in dirre minne, das ist êwiges lônens wert. aber des vaters unde des sunes minne diu wahset niht, wan es ist der heiligeist.⁵⁵ dar umbe ist unser minne niht⁵⁶ wider des vater unde des sunes minne; mêr si ist ein tugent, an der wir wahsen⁵⁷ — diu ander minne, diu in uns ist,⁵⁸ diu ist des vaters unde des sunes minne.⁵⁹ har ûf sprichet sant Paulus 'gotes minne ist gegozen⁶⁰ in unser herze.'⁶¹ wan uns got⁶² sîne minne gegeben hât, sô hât er uns ouch den heiligen geist geben, daz wir in

42) irren *B*, iren sachen *N*. 43) das got ist *fehlt B*. 44) sülen u. bekenen *B*. 45) De er ist ein unbekântheit und de er ist e. e. cr. *B*. 46) d. er s. ist *fehlt B*. 47) doch *fehlt E*. 48) ie einv. der mensch ist *EN*. 49) vû süllen bekenen alle u. s. *B*. 50) nu ist ein frage *B*. 51) das sag ich dir *B*. 52) in uns *fehlt B*. 53) ein *fehlt E*. 54) minne *fehlt E*. 55) wan — h. g. *fehlt B*. 56) als ein nicht *B*. 57) mêr — wahsen *fehlt B*. 58) diu — ist *fehlt B*. 59) minne *fehlt R*. 60) dú ist geflossen *B*. 61) unsere herzen *E*. 62) sit uns denne g. *B*.

minnen⁶³ mit der minne mit der er sich selben minnet. alsô minnen wir mit gotlicher minnen; der werde wir gewar unde werden gotlich.⁶⁴

Eyâ, bekantnisse des besten guotes, das got ist!⁶⁵ die das hânt, das ist das wirdigoste leben das dekein crêâtûre hât.⁶⁶ got ist sîn selbes clâr verstentnisse und sîn selbes fröude wellende.⁶⁷ was ist wellende in der gotheit? das ist das der vater sîn selbes nâtûre an schouwet spilende. wielich ist das spil? das ist sîn êwiger sun. alsô hât der vater ein vorspil⁶⁸ êwlich gehabt in sîn selbes nâtûre. das vorspil ist das selbe das es ist an dem es spilet. der aneblik des vater sîner eigenen⁶⁹ nâtûre das ist sîn sun.⁷⁰ alsô umbehalset der vater sîn selbes nâtûre in dem⁷¹ stillen dunsternisse sînes êwigen⁷² wesens, das niemanne bekant ist dan im selben. der widerblik sîn selbes nâtûre das ist sîn êwiger sun. alsô umbehalset der sun den vater an sîner nâtûre,⁷³ wan er das selbe ist das sîn vater ist an dem wesenne. alsô hât ouch der sun êwlich gespilt von dem vatere in umbehalunge⁷⁴ sîn selbes nâtûre. das selbe⁷⁵ vorspil vorspilete ouch allen crêâtûren êwlich. hie von ist geschriben in der wisheit buoche 'vor allen crêâtûren in dem êwigen nû sô hân ich gespilt vor⁷⁶ dem vater in einer swebender stille.' alsô hât der sun êwlich gespilt vor dem vater als⁷⁷ der vater vor dem sune. das⁷⁸ spil ir beider ist der heiligeist, an dem si beide spilent und er widerspilt an in beiden. das ist⁷⁹ das spil das selbe das es ist an dem si spilent.⁸⁰ alsô ist verflozzen das wesen in sîn selbesheit.⁸¹ har ûf sprichet sant Dyonîsius 'got ist ein brunne der in sich selben ist verflozzen.' der vater hât sich êweclich geminnet an sîme sune; alsô hât sich der sun êweclich geminnet an sîme vater. ir beider minne ist der heiligeist: alsô gât ûs diu dritte persône von den zwein als ein minne.⁸²

63) secht da m. wir B. 64) alsô — gotlich *fehlt* B. 65) das got ist *fehlt* B. 66) d. ie dekeiner cr. geoffenbaret wart B. 67) sîn selber wollust. w. ist wolleust oder genûgde B. 68) spil B. 69) an sîner eigenen B. 70) s. ewiger sun B. 71) in der B. 72) eigenen B. 73) an ir beider n. E. 74) und umbehalset B. 75) dis s. B. 76) in dem v. B. 77) als E: und B. 78) dis E. 79) da ist N. 80) das die sint mit dien es spilt B. 81) alsus ist d. flus verfloss in sich selber B. 82) minne ir beider B.

das wesen der gotheit gebirt niht. des vaters persône gebirt die persône des sunes êweclich und sie beide giezent ûs den heiligen geist als ein minne ir beider. alsô ist der vater unde der sun ein îngiezunge unde der heiligeist ist ein îngozzenheit, ein nâtûre mit in beiden.⁸³ gebère das wesen der gotheit, sô wère mê wesens danne eines; das enist niht. ein wesen ist, das gît allen dingen wesen und leben, dà der sun ûs geborn ist von dem herzen des vaters êweclich wider în ze bringenne alle ding, diu an ime ûs geschaffen⁸⁴ sint. har ûf sprichet Kristus 'ist das ich erhaben wurde, sô wil ich elliu ding nâ mir ziehen.' der heiligeist gât ûs als ein minne, unsern geist mit im ein ze machende. alsô bringet der sun mit im wider în elliu ding diu an im ûs gegangen sint, und alsô kumet⁸⁵ der heiligeist wider în mit allem dem das er gegeistet⁸⁶ hât. har ûf sprichet sant Dyonisiûs 'der sun unde der heiligeist sint ein licht der gotbernder gotheit.' sant Philippus sprach 'herre, zeige uns dinen vater, sô benüeget uns.' dô antwurt ime unser herre unde sprach 'Philippe, der mich siht der siht mînen vater.' alsô hât der sun geoffenet⁸⁷ die tougeni des vaters, wan er im gelich ist an allen dingen und ein nâtûre mit im ist.⁸⁸ der sêle genüeget niht dan an dem vater, want er allez guot ist und ein lûter einvaltikeit ist. ie einvaltiger diu sêle ist, ie glîcher si gote ist.⁸⁹ got gesprach nie kein wort dan eines. das ist das einige verstentnis. sol diu sêle einvaltig sîn, so muos si von aller manicvaltikeit gezogen werden in das einige verstentnisse. das enmac ir hie niht beschehen, ez ensi danne bî stunden.

Driu verstentnisse hât diu sêle. das eine ist⁹⁰ das si verstêt diu ding diu ob ir sint. das ander das si sich selben verstêt. von dem bekantnisse⁹¹ kumet si in das dritte: das ist diu einige einekeit. dà sol si sich inne verlieren⁹² und niemer wort gesprechen unde sol ir stille haben, wande got hât si übergeholt von ir selber an sich; unde

83) des vaters persone — mit in beiden *fehlt B.* 84) us gangen *B.* 85) minnet *E.* 86) geistes *b. E.* 87) goffet *E.* geoffenbaret *BN.* 88) wan — im ist *fehlt B.* 89) und ie si einv. wirt, ie si g. gl. wirt *B.* 90) ist *fehlt E.* 91) verstentnis *E.* 92) verliessen *C.*

darumbe enist si niht unde verstêt ouch niht mit ir selber. das si verstêt das verstêt si mit ime, unde das selbe stêt ir ze lâzenne, unde lâze es denne mit dem sis verstanden hât. har ûf sprichet sant Dyonisîus 'müezigent iuch das ir müezig werdent alles gemerkes,⁹³ wand ein einiger anblick der blözheit, diu got ist,⁹⁴ einiget mê die sêle ze gote⁹⁵ dan si geeiniget möhte werden von allen den werken die diu heiligiu cristenheit noch ie geworhte von ûzen.

Eyâ, lieben kint,⁹⁶ darumbe stênt mit flîze dar nâch, das iuch diu wârheit einest begrîfe: want in dem begriffe sol allis das gezogen werden das dû iemer mê geübest unde gelebest in rechter triuwe. eyâ, hœchstes wesen, die dar inne stênt, die enkûnnet von gote niemer gescheiden werden. das sint die sêligen, die got an im selber êwîliche hât bekant. nâch dem das got unwandelhaftig ist sô enmügent disiu niemer mê von ime gescheiden werden. dar umbe solten wir frömde sîn aller unglîchheit unsers hœchsten guotes.

VIII.

BRUODER FRANKE VON KÖLNE.

Ego sum via, veritas et vita. dis sprichet unser herre Jêsus Kristus: ich bin der wec unde diu wârheit unde daz leben. eyâ, nû merket mit vlîz disiu wort daz er sprichet 'ich bin der wec.' zweier hande wege sullen wir verstân an Kristò: nâch der menscheit unde nâch der gotheit. sîn menscheit ist gewest ein wec unser menscheit. daz sol man prûeven an sinem volkomen bilde und an der öugunge sîner lider. wan swâ ein lit an uns¹ tritet ûz dem wege sînes bildes, dâ werden wir bevlecket. wan sant Paulus sprichet daz wir sullen leben alsô daz got an uns vinde einen wider-

93) m. úch von allem gemerke E. 94) gotis E. 95) ze gote fehlt EN. 96) lieben kint fehlt EN.

VIII. M (Münchner hs. cod. germ. 133, perg. 14s jahrh. 12^o) bl. 14^b - 23^b. diese predigt, aber vielfach abweichend, ist noch in folgenden hss. enthalten, Basel B. XI. 10 bl. 151^a - 159^a. — kloster Neuburg bl. 35^b - 42^a. — Einsiedeln nr 278 s. 215 - 218. — Basler druck von 1522 bl. 272^a - 273^c. 1) unz M.

schîn aller sîner götlicher werce; daz ist daz wir uns glîch halten dem daz er uns vorgelebt hât. diz wêre wâr geistlich leben. mêr diz wirt dicke gehindert von manegen gebresten. aller meist werden wir gehindert wârer geistlichkeit von manegen gebresten die in uns sint. die gebrechen sint daz ein ieclichiu craft der sêle niht geordent ûf ir stat. diu vreude der sêlen solte alsô geordent sin unde gesatzt ûf ir stat daz si alliu geschaffeniû dinc niht ervrewen mœhten,¹ mêr alleine daz si sich vûnde in einer lûtern consciencien. hie von sprichet Kristus zuo sînen jungern 'ir sult iuch nihtes vrewen denne daz iwer namen geschriben sîn in dem buoche des êwigen lebens.' diu vorhte der sêlen solte alsô geordent sîn daz si niht envorhte alliu diu dinc diu under² gote sint weder libes noch guotes und alles daz über si verhenget wirt von got oder von einiger crêâtûre. alsô ist iz ze vernemen von allen den andern creften, gerunge unde meinunge, kurzlich geseit. allez daz diu sêle geleisten mac daz solde gesament sîn in die einveldigeste einveldikeit des willen, unde der wille solde sich werfen an daz hœchste gut unde daran haften. dar ûf sprichet sant Paulus 'der an gote haftet der wirt ein geist mit gote.'

Nû merket die rîcheit des geistes, der alsus ein geist mit gote worden ist. er wirt niht gerîchet von allen dingen, ob er si joch³ alliu beslozen hête in sîner gewalt. wan alliu dinc nôttûrfic sint,⁴ her umbe ist daz sîn rîcheit, daz er wone in eime wesen ob nôtturft der dinge: wan wer niht enhât und ouch nihtes bedarf, der ist rîcher dan der alliu dinc besezen hât mit nôtturft. wan sant Paulus sprichet 'unser genûege ist alleine an gote, des wirdigen diener wir sîn.' ouch rîchent alle tugende den geist niht. dis sprechent die meister, daz eigentlich die tugende den geist niht rîchent, mêr die vrûhte der tugende rîchent den geist. von nôt muoz die sêle alle tugende haben. wan dan die tugende ouch nôtturft sint, her umbe enwirt der geist von nôtturft niht gerîchet. daz hœchste dâ der geist zuo komen mac in disem libe, daz ist daz er wone ob nôtturft der tugende; daz ist daz alle gûete in ime alsô genâtûret sî, niht alleine daz er tugende habe, mêr daz diu tugende weslich an im sî;

1) mohte *M.* 2) nider *M.* 3) auch *M.* 4) sin *M.*

daz ist daz er tugende üebe niht von nôt, mêr von einer weslicher guotheit. als diz geschiht, dan alrêrst¹ hât diu sêle durchgangen und übergangen alle nôturft der tugende, wan si sîn weslich an ir worden. alsô kumet si zuo irm zil; daz ist der îngus des heiligen geistes. diz sint die vrûhte der tugende, die den geist alleine rîchent. hie von spricht sant Paulus 'ziehet iuch einen niuwen menschen an,'² daz ist Kristus, der uns âlsus ein wec gewest ist. der ander wec daz ist der wec der gotheit. waz wege hât diu gotheit oder war mac sie gewandeln, wan si doch an allen steten ist, oder wâ mit wandelt si, wan si doch niht vûeze hât noch niht daz lîplich sî? der wec der gotheit daz ist diu einikeit, dâ die drîe persône inne wandeln in eime wesen under ein ander. daz wandeln der persônen ist daz si sich bekennen unde minnen under ein ander; ir ieclich bekennet unde minnet sich selben an der andern: alsus wandelent die persônen in der einikeit under ein ander. die fûeze dâ diu gotheit mite wandelt in die persônen als die persônen in daz wesen, der eine fuoz³ der gotheit daz ist diu fûrsichtikeit aller dinge, der ander fuoz ist diu behegелicheit der êwigen fûrsichtikeit, alleine got êwlich an gesehen habe die geschehenheit an allen dingen. diz ist gesprochen von dem êwigen bilde. im behagete doch nicht dan guot an allen dingen, bilde aller dinge, daz got selbe ist. nû möhte man vrâgen, waz behegелicheit⁴ mac an got gevallen? von nôt muosten im alliu dinc behagen, wan der dâ sach daz was got, unde daz er sach daz was got. wan an ir êwigen bilde, daz got selber ist, sach sich got an unde sach alliu dinc. dar umbe behagete im got selber, wan got ist an im selber ein einic ein. dar umbe sol diu sêle an sehen ir einveldic bilde in got, daz nie ûz im enkam.⁵ alsô tet ouch aller dinge bilde, wan diu volmehtikeit des geistes lît dar an daz daz iht⁶ daz hie geschaffen ist kome zuo sîme ursprunge, daz sîn êwic bilde ist. wan alsô als got ursprunc ist des geistes, alsô geruowet der geist nimmer, er kome in sînen ursprunc, daz sîn êwic bilde ist. diz bilde ist got weselich: dar umbe sol iz dem geiste êwlich ent-

1) alrers *M.* 2) menschen an *fehlt M.* 3) fuze *M.* 4) behegeliche *M.* 5) nie quam *M.* 6) is *M.*

bliben, daz er iz nimmer ze grunde erkennen sol. doch erkennet er, wie er êwlich in gote gewesen ist sunder sich selber, wan diu meiste wunne die der geist hât¹ daz ist daz er verflüzet in den ursprunc sîns êwigen bildes, unde dar in verlorn ze sîn sîn selbes. dâ verliuset der geist sîniu werc unde niht sîn wesen. doch sô hât daz wesen der gotheit den geist ûf gezogen von im selber an sich und im gemachet glich, daz dâ niht dan ein wesen schinet; als man prüeven mac: der dâ nâme² eins traken bluot — daz ist sêre rôt — unde gûfse daz in ein lûter glas, sô verlûre daz glas sînen schîn, iz verlûre aber niht sîn wesen. alsô hât daz gotliche licht den geist in der einikeit durchliuhtet und überliuhtet, daz er ein licht mit im schîne. alsô verliuset der geist sînen schîn und niht sîn wesen, wan got hât den geist über geholt von im selber an sich unde hât in im geiniget. doch sô enkan der geist in der einunge der gotheit (die gotheit?) nimmer gegründen. diz bekante sant Paulus wol, dô er in den dritten himel gezuket wart, dâ³ er sach sô getâniu dinc diu man niht wol sprechen muoz noch enmac, unde rief mit lûter stimme 'ô dû hôher rîchtuom der wisheit unde der kunst, wie ungruntlich sint dîniu urteil unde wie unervolget sint dîne wege.' diu rîcheit gotes ist daz er niht enhât noch niht enist allez daz man geworten mac. diu wisheit ist an der wolgeordenheit aller dinge. diu kunst gotes ist diu vernemunge sîn selbes in eim erhaben lichte. hie von spricht sant Dyonîsius 'daz licht dâ got inne wont daz ist sîn selbes wesen, daz⁴ nieman bekant ist dan im selber.' diz ist der hôhe wec der gotheit, dâ nie crêâtûre inne gewandelt hât. hie von spricht got durch den prophêten 'mîne wege sint erhaben über die himel alsô hôch als der himel über die erden.' sant Augustînus sprichet daz niht sorelicher noch nützer noch sêliger der sêlen sî dan ze wandelen in dem bekentnisse der heiligen drîvaltikeit und einikeit.

Nû merket mit vlîze daz underscheit der persônen unde des wesens. waz ist persône in der drîvaltikeit? daz ist persône daz sunderlich unde vernünftliclich beheldet sîne eigenschaft gesundert von ein ander nâh den persônen an ir underscheit. her umbe ist ein persône diu ander niht. daz

1) hait *M.* 2) nam *M.* 3) do *M.* 4) da *M.*

werc der persônen daz ist daz si ûzberen unde geben alliu dinc. diu geberunge gehœret¹ den vater an alleine, diu ûzgebunge gehœret die drivaldikeit an gemein. waz ist wesen der drier persônen in der drivaldikeit? daz einveldiglich al in im beslozzen hât nâh einvaldikeit unde doch weder enbirt noch engibet an im selber weslich waz iz gibet. daz geschiht von den drin persônen sunder, die daz wesen wirkent, oder iz enmac. wan die persônen wirkent niht als drie, si wirkent als ein got. welich ist diu vermügenheit des wesens? diu vermügenheit des wesens ist daz iz niht persône ist nâh rede unde stæte blibet in siner weslicher einikeit; niht alsô daz iz sich von den persônen scheide, mêr daz selbe wesen daz ist nâtûrlich der persônen wesen und ist ouch wesen aller dinge. iz ist wesen der wesenden, iz ist leben der lebenden, iz ist licht der liehte und ist nâtûr der nâtûre: diz ist iz alliz² an siner einvaldikeit. alsô ist iz umbe die persônen niht, wan si sint niht persônen aller dinge also daz wesen aller dinge wesen ist. des vermac der vater niht iemans persône ze sîn dan sîn selbes. er gebar ein ander persône ûz siner persône, niht ûz dem wesen, mêr mit dem wesen in daz wesen. daz der vater den sun bern mac mit aller volkomener sêlden, glich im selber, volkomener got als er selber got ist, daz hât er an sînem nâtûrlichen wesen. dâ der vater birt den sun, dâ gît er im ein ander persône dan sîn selbes persône ist, er gît im aber niht ein ander nâtûre noch ein ander wesen dan sîn eigen wesen ist. alsus ist geoffenbâret daz wesen von dem ûzgange. diz ist diu mugenheit der persônen zuo offenbâren daz wesen daz sich von im selber niht offenbâren mac, wan iz weder gît noh birt an im selber weslich. diu unmugenheit des wesens daz ist sîn hoechstiu mugenheit mêr iz ist doch offenbâr im selber. die persône bekennt und begrifent glich diz wesen. diz wesen heldet sich glich zuo den persônen.

Nû ist ein vrâge under den meistern, ob diu persônlichkeit begrife unde bekenne zuo grunde oder niht. diu persônlichkeit begrifet unde bekennet zuo grunde daz wesen, wan iz der persône nâtûrlich wesen ist, unde diz wesen wirt von nihte begriffen zuo grunde dan von den drin per-

1) gehvret *M.* 2) allig *M.*

sônen den ez¹ nâtûrlich ist. her umbe begrifent die persône daz wesen, und hie von sint die² persônen got persônlich von der begrifunge des wesens, daz ir nâtûrlich wesen ist. und alsô verre als diu sêle diz wesen begrifet, alsô verre ist si gotlich. mêr des ist doch alsô kleine daz si begrifen mac als ein trân wider dem wilden mere. doch ist iz gotes alzemâle. mêr daz inblibende guot, daz ir êwlich entpiben sol alsô daz si iz niht durchgründet, daz ist der vorspilende abgrunt. der tuot si êwlich versinken von ir selber. nû möhte man vrâgen, war umbe ist niht ein persône als ein wesen ist? diz merket. alliu diu dinc diu dâ sint, diu sint von in selber niht, mêr si sint geursprunet in der êwikeit von einem ursprunge der sîn selbes ursprunc ist, und in der zît geschaffen von nihte von der heiligen drîvaldikeit. ir êwic ursprunc ist der vater und aller dinge bilde in im daz ist der sun; minne zûo dem selben bilde daz ist der heilige geist. dar umbe, hête der bildenêre aller dinge in dem vater êwiclichen niht geswebet, sô möhte der vater niht geworht haben. diz ist gesprochen von der unsatter³ mugeheit des vaters. her umbe muosten mê persônen sîn dan einiu, wan an dem êwigen vluzze den sun von dem vater sint ûz gevlozzen alliu dinc unde niht von in selber. alsô ist der êwige vluz ein ursprunc aller dinge an ir êwikeit, aber in der zît sint si von nihte geschaffen. unde dâ von sint si crêâtûren. aber in dem êwigen vluzze, in den si gevlozzen sint sunder sich selber, dâ sint si got an gote. hie von spricht sant Dyonîsius daz diu êrste sache sachtet alliu dinc nâh dem glichnisse ir selbes.

Nû merket den underscheit des ûzfluzzes in der êwikeit und in der zît. waz ist ein ûzfluz? daz ist ein behegelicheit sîns willen mit eim lîhten underscheit. alsô sîn wir ûz gegangen in der zît in dem getwange sîner minne. der êwic ûzvluz ist ein offenbâren sîn selbes in im selber. dâ ist der kennêre daz daz ist, daz dâ bekant ist. diz ist der êwige vluz, des nie ein trân ûz quam in die vernemunge einiger crêâtûre; daz ist der sun von dem vater. an dem zîtlichen ûzvluzze vluzzen alliu dinc ûz mit mâze. aber in disem êwigen vluzze sint si sunder mâze bliben. alsô ist

1) der n. M. 2) de M. 3) versaiter N, fürsatzter B.

der vluz¹ vervlozzen in sich selber. her ûf spricht sant Dyonisius 'got ist ein brunne der in sich selber ist vervlozzen.' der vater ist ein ursprunc sîns suns sunes, daz ist an siner êwigen geberunge. der vater unde der sun die ursprungent iren geist, daz ist an einer êwiger entgiezunge.

Eyâ, nû möhte man vrâgen, wie iz sî umbe die veterlicheit, weder si ursprunclich sî der veterlicheit. diz verstet mit einem erliuhten geiste. daz wesen gît noh nimt niht an im selber wesenlich. her umbe, wêre daz wesen ursprunclich des vaters, sô wêre daz wesen bernde, sô möhte iz niht wesen sîn, sunder iz wêre ein persône. alsô ist iz niht, wan wesen ist niht persône nâh siner einikeit. wêre aber diu veterlicheit ursprunclich des wesens, sô wêre ursprunc von des² vater persône. alsô ist iz ouch niht, alleine der vater ursprunc sî nâch siner persône, er ursprunget³ doch daz wesen niht, wan veterlicheit unde weslicheit eine eigenschaft tragent. dar umbe ist er algewaltic zuo ursprungen nâh der veterlicheit. daz wesen mac niht gesîn âne persône unde persôn mac niht gesîn âne nâtûre, als ir prûeven müget. ein ieclich dinc daz dâ ist daz mac niht gesîn âne sîne nâtûre, wan iz mac sîn selbes niht gelangen, iz muoz ie sîn daz iz ist. seht alsô verstet. wan dan der vater ein persôn ist, sô mac er niht persône gesîn âne nâtûre, unde nâtûre mac ouch niht sîn âne persône. wan ist si nâtûre, sô muoz iz sîn des nâtûre si sî. seht, alsô merket daz daz wesen keine wîs sîn mac âne underscheit und understôz. persôn und understôz mac keine wîs sîn âne nâtûre, daz daz wesen ist. seht, alsô ist bewîset daz daz wesen niht ursprunget die veterlicheit, noch diu veterlicheit ouch niht ursprunget daz wesen, wan ir kein âne daz ander sîn mac. der sun mac niht sîn âne den vater noch der vater âne den sun noch si beide âne den heiligen geist; noch danne behaldent si drie eigenschaft die si sunderent in ir underscheit. seht, alsô ist iz niht umbe die veterlicheit und umbe daz wesen. ir kein mac gesîn âne daz ander. alleine wesen niht persône sî unde persône niht wesen, noch danne behaldet veterlicheit unde weslicheit eine eigenschaft, alsô daz man niht sprechen mac daz ir kein des andern ursprunc sî,

1) vlufse *M.* 2) dem *M.* 3) vrsprunch *M.*

wan iz ein eigenschaft ist, als der vater ursprunget den sun unde si beide ursprungent ir geist, der nâh der nâtûre ein mit in beiden ist.

Eyâ, wol dem geiste, der dar ûf genomen ist in diz rîche blôz, bekennen daz allen den unbekant¹ ist die niht blôz sint ir selbes. sol diu sêle blôz sîn, sô muoz si haben ein abkêren² von allen bilden und formen, die ir offenbâr sint,³ daz si ûf der keiner blibe. wan gotlich nâtûr ist niht bilde noch forme, alsô daz si iz verstân müge. wan swanne⁴ diu sêle sich kêret von allem dem daz dâ oben ist — daz heizet gescheiden von bilden unde von formen⁵ — sô enpfêhet si glichnisse der formelôsen nâtûre gotes, des eigenlichiu forme nie⁶ crêâtûre offenbâr wart in disem leben. diz ist der heimliche înganc, den diu sêle hât in gotliche⁷ nâtûre an eim glichnisse. wan swenne⁸ diu sêle niht enhât ûf dem si stê, sô ist si bereit zuo gân in ein glichnisse gotes, dâ nieman zuo komen mac, er si geblœzet von allen geistlichen matêrien. — Eyâ, wie sêre si sich hinderent dis heimlichen înganges, die sô lîhte blîbent ûf lîplichen dîngen! hie an bekenne ich selber mîn armuot. hie zuo mante sant Dyonîsius einen sînen junger unde sprach 'wilt dû komen in die kuntschaft der verborgenen heimlichkeit gotes, sô muost dû übergân allez daz dich hindert an eime lâtern verstentnisse.' wan swenne⁹ diu blôze sêle mit ir blôzem verstentnisse, daz dâ erliuchtet ist von einem gotlichen lichte, gotes (bevîndet?), sô bekennet si sich selben. swenne si danne bekennet, wie si zuo im gevüezet ist unde wie si zuo im gehœret unde wie si beide ein sint, möhte si vor der swêrde irs lîchamen, si blibe stêteclîch dar an. diz hôhe bekennen, daz diu sêle hât von der verborgener heimlichkeit gotes, daz ist daz Job sprichet 'in der griulicheit des nehtlichen¹⁰ gesihtes kumt er unde rûnet zuo den ôren des mannes.' waz meinet er mit der griulicheit? daz tuot er die sorgsamikeit in disem bekentnisse, von dem¹¹ hie geschriben ist. daz nehtlich¹² gesichte daz ist diu offenbârung der heimlicher

1) vnbevat *M.* 2) ankeren *M.* 3) sîn *M.* 4) dan *M.* 5) forme *M.* 6) in *M.* 7) gotlicher *M.* 8) wanne *M.* 9) wanne *M.* 10) notlichen *M.*, naturlichen *N.* *vergl. Hiob* 3, 13 in *horrore visionis nocturnae* etc. *ebend.* XXXIII, 15. 11) den *M.* 12) notlichest *M.*

wârheit. daz rûnen¹ ist diu vervlozzen einunge, dâ daz bekante und der bekenner ein sint.²

Diz buoch ist swêre und unbekant manegen liuten. dâ von sol man ez niht gemeine machen, des bit iuch dur got, wand ez wart ouch mir verboten. wêr aber ieman der ez strâfen wolte, daz wêre gewêrlich schult sîner blintheit, wan ez ist lûter wârheit. wêr aber iht hier inne dem niht mit worten genuoc enwêre, dar umbe sol man ez niht verkêren, want uns gebristet worten swâ wir von götlicher nâtûre reden son. doch treit ez sîne meinunge lûterlich in der wârheit mit Kristô und in Kristô. des si er gebenedicht unde gelobet immer mê êweclich. âmen.

IX.

JOHANNES VON STERNGASSEN.

1.

Mariâ Magdalênâ sas zuo den füessen unsers herren unde hôrte sîne wort. dô sprach Marthâ 'herre, hâst dû nicht achte das ich un müefsîg¹ bin? heis si² daz si mir helfe.' dô sprach Kristus 'ze êwiger sêlikeit hœret nicht dan eins, das ist schowen, niefsen unde liden got.' got enwêre nicht sêlig, wêre er nicht das êwig wort sprechende. Kristus enwêre nicht sêlig, enwêre er nicht das êwig wort hœrende. aller crêâtûren wesen lît an iren³) wirkende.

1) dar umbe M. 2) der nachfolgende merkwürdige zusatz steht blofs in der Basler hs.

B. XI. 10 bl. 242^a — 246^a. — E nr 278 s. 190^b — 192^b. — M (Münchener hs. cod. germ. 365, pap. 15s jh. 4^o) bl. 178^b — 179^b unvollständig; die abweichungen in B sind viel bedeutender als hier angegeben werden kann. überschrift Der von Sterngassen BE. — von Johann von Sterngassen haben sich aufer den hier mitgetheilten noch zwei andere predigten erhalten, in allen dîngen habe ich ruowe gesuochet u. s. w. und ein heilig spricht das si heilikeit u. s. w. ich übergehe sie hier weil Wilh. Wackernagel sie in seinen altdeutschen predigten wird abdrucken lassen; ein kleiner spruch findet sich schon in dessen altd. lesebuche s. 891 f. 1) vomefsîg E. 2) si fehlt B. 3) iren BE.

swenne in ir¹ were² engêt, sô enmügen si nicht mære wesen. dâ von ist gotes wirken sîn wesen. enwêre er nicht wirkende, sô enwêre er nicht wesende. unde sîn wirken das ist sîn sprechen. got enkan nicht wirken denne das êwig wort³ sprechen. sûln wir wesen, sô müessen wir wirken und unser wirken ist das êwig wort hœren. diu sêle Kristi was niender⁴ umbe sêlig, want das si das êwig wort was hœrende. mêr⁵ Kristus was vereinet mit der gotheit, das man möhte sprechen got mensche und mensche got. unt doch, möhte ein tropfe der gotheit sîn gevloßen in den lîp, der lîp wêre untœtlich: man möhte got nicht getœtet haben. der lîp Kristi was vereinet unde diu gesellschafft möchte ime das nicht geben. wêr üebunge an Kristô nicht gewesen, er wêr als unvollekomen als ich. das ist mîn sêlikeit das got in mir spreche. swâ got spricht dâ wirket er, swâ er wirket dâ spricht er. got ist sêlig als vil er das êwige wort ist sprechende. Seneca spricht 'geloube mir, es mag nieman sêlig unde rîche wesen.' rîch diser welte ist nicht sêlig, er dienet dem guote.⁶ dien ich dem rîchtuome, sô bin ich bekumbert. bin ich bekumbert, sô hân ich vrîheit verlorn, sô enbin ich nicht sêlig. swer mit⁷ gote bekumbert ist, der mag aller dinge gebrûchen in gote. bin ich mîn selbes ungewaltig, sô enbin ich nicht sêlig. der ist sîn selbes gewaltig des alle crêâtûren sô vil nicht enhânt das si in neigen mûgen ze liebe oder ze leide. der ist nicht sêlig der sînem rîchtuom in gotte nicht kan nemen. mîn sêlikeit ist nicht anders denne das ich got blôslîche sol schowen unde hœren unde liden. Mariâ hôrte sîne wort. sol ich das êwige wort hœren, elliu ding müessen in mir swîgen. einer ieklicher crêâtüre volkomenheit spricht die andern ûs. sol got sprechen in mir, es muos sîn das alle crêâtûren swîgen in mir. hâst dû iecht das in dir spricht, dâ swîget got: alliu ding müessent ûs sîn gesprochen. swâ got ist, dâ sint elliu ding ûs gesprochen. swer gotes vol ist, in den mag niehtes nicht komen. Pau-

1) ir *am rande nachgetragen E: fehlt B.* 2) im sein *M.*
 wûrken *BM.* 3) wort *fehlt B.* 4) niemer *B: mer dar M.*
 5) mêr *fehlt B.* 6) rîchtûm d. w. machet n. s. ob man d. g. dienet *B.* 7) mitte *E.*

Ius spricht 'iuwer leben sol liuchten als ein lucerne, in der dà schinet das êwige leben.' das ich muos in mir selber swîgen: swenne es gêt an blôfse gotheit, sô muos ich swîgen. bin ich nâch gotte gebildet, sô ist sîn bilde in mir. das wort in dem ich nâch gotte got gebildet bin enspriche ich nicht: got spricht es in mir. der wissage spricht an dem salter 'tuo den munt ûf, ich wil in fûllen.' nâtûre mag es nicht liden das einig ding si lêre. wirket das nâtûre an nâtûrlichen dingen, sô tuo den munt ûf dîner sêle: er muos von getwange gotes vol werden. — das dritte, das êwige wort muos in im selber swîgen. innekeit der sêlikeit lît niender denne an schowen blôfse gotheit. sprichet icht in dir, sô sprichet got nicht. das heisse ich crêâtûre in dir sprechen, hestû icht sô lieb, das es dich wegen mag ze liebe older ze leide. alle crêâtûre müessen in der gotheit swîgen. diu drîvaltikeit muos in ir selber swîgen. in dem êwigen worte ist nicht der vater sprechende. in dem êwigen worte ist nicht sprechende denne blôs wesen. wêre gottes persône abe geslagen, noch danne bestüende er ûf blôfsem wesende, das ist min sêlikeit das ich got mit gotte schowe. got, dû solt sprechen, ich sol hœren. dû solt wirken, ich sol liden. dû solt bilden in dem êwigen worte, und ich sol schowen. das wir alsus swigen unde got loben etc.

2.

Der von Sternengalsen sprach, das lûterkeit des herzen edeler wêre denne verstentnisse oder minne, unde sprach, wie bewer ich das? das merkent.

Minnender liute ist vil gevallen, verstendiger liute¹ ist vil gevallen: ein lûter herze geviel nie. dà von sprichet ein heilige 'sô ich mich üebe an minne, sô vinde ich das mir got unbegriflich ist; sô ich mich üebe an verstentnisse, sô vinde ich das er mir ungruntlich ist: kêre ich mich aber in die friheit der lûterkeit mîner abegeseidenheit, sô vinde ich das mir got an der apscheidung ebnemêzig ist.' — man lisset von einem wîsen man, der gieng zuo einem gotmin-

IX, 2. B IX, 15 und B XI, 10 bl. 173^a—177^a. — E nr 278 s. 297^b—299^b und wiederholt s. 310^a—312^b. 1) luten der E.

nêre und frâgte in, wie es umbe in stüende. dô sprach er 'ich bin in grôßser arbeit, ich bin in stêter sorge unde fürhte alle zît verlieren das ich minne. und ie mêre ich minne, ie minne ich mîner minre getriuwe.' dô gieng er fürbas unde vant einen gotschowêre unde frâgete ouch den wie es ime gienge. dô sprach der, er wêre in stêter arbeit: 'ie mêr ich bekenne, ie ich mê vinde das mir noch unbekannt ist; ie tiefer ich dar in kume, ie minre ich verstân.' dô gieng er aber fürbas unde vant einen lûterêre. dô frâget er ouch den wie es ime gienge. dô sprach er 'ich enweis was ich spreche, wan das ich an gotte hân alles das ich wil.' dô von sprach der wîse 'ich wil ruowen unde got lâßen in mir wirken, unde wil swîgen unde hœren was got in mir spreche, unde wil mich kêren in die mûglichkeit mîner abgescheidenheit: dô vinde ich das sich got mir verinniget.

Er sprach, man frâget mich was ich meine, das ich lûterkeit lobe über verstentnisse und über minne und über gnâde. das sage ich iu. swas disiu driu dîng guotes an in hânt, das vinde ich ze mâle mit ein ander an den lûteren herzen vil edeler denne ir iecliches das sîne an ime begriffen habe. wie bewere ich das? das merkent. minne machet mir got liep sîn; lûterkeit machet mich gotte liep sîn. verstentnisse¹ tuot mich got schowen; lûterkeit tuot mich gotte glich wesen. gnâde machet mich gottes wirdig; lûterkeit diu einet und erhœhet mich mit ime.

Er sprach ouch was ein lûter herze wâre: das niehtes nicht an ime erliden mâg, dô von es der welte gevallet. unde dô von lobet die schrift die frouwen alze schône, diu ir selber ir ougen ûs brach unde si irme minner brâchte unde sprach 'habe dû dir das dir an mir behaget, unde lâs mir ruowe in der lûterkeit mînes herzen.' mêr das herze ist lûter in dem nicht abe ze legenne ist noch ûs ze tribenne und in dem sich nicht erzœuget das dem lûteren ougen des verstentnisses wider sî.

Er sprach ouch war an sich ein götlich mensche üeben sol. er sol sîn herze unde sîn ûswendigen sinne besliefsen vor allen ûfseren dîngen, unde sol sîn inwendigen sinne

1) bekentnisse E.

besliefen vor aller tœtlicher sorge. er sol alle sîne gedanke in sich selber këren. er sol swîgen unde hœren was got ime spreche. er sol sich über sich selber erheben. er sol sîn ein spiegel der götlicher erbildunge. er sol sîne sêle füllen mit götlicher formen. er sol schowen das liecht in dem liechte, er sol pflegen des liechtes in dem liechte, er sol werden das liecht in dem liechte. er sol in der welte niht mê haben denne den lip; er sol haben einen anevang der ewigkeit, er sol elliu zît eines niuwen beginnen, das ist er sol alle zît in niuwer bekentnisse sich üben.

Er sprach ouch was ein gotformelich mensche wære, unde sprach, sîn sêle ist vol götlicher formen, unde sprach alle götlicher formen die sint formelôs, und ûser formelösen formen fliezent unmêzige begerunge, die man enkeiner wîse ûs gesprechen enkan, unde wirkent drîerleie werk an der sêle: si minnet âne bevinden unde bekennet sunder wîsen unde grundet ân ende.¹

Er sprach, wer wil das ime alliu ding sîn, der sol enkeine dinge niehtes nicht sîn. alliu dinc sullent uns reine sîn an der niefsunge, unde sullent uns unreine sîn an der abescheidungunge.

Drier leige künste sullent hân frome liute. das êrste, daz ir verstentnisse alsô gescherpfet sî, das si haben ein blôs lûter verstên ûf das aller minste, das si an gevallen mag, wâ nâtûre minne oder mê sî zuo minste, daz si das bekennen ûf das aller hœchste, unde dem abegin. — daz ander, swas si ze tuonne haben, das si das alwege ansehen, weder es gange ûs einem nâtûrlichen grunde. — das dritte, das ir verstentnisse alsô subtil sî das si alle geiste unde das aller minste liecht das in geoffenbâret wirt, das si das bekennen, weder es von gotte sî oder von einem valschen geiste.

3.

Der von Sternengafsen der sprach ouch das der wîsage sprichet in dem saltire, alle crêatiuren frâgent mich, wer got sî? dô gieng ich in mich selber unde nam war das

¹) grundent E. der folgende zusatz ist allein in B. IX. 10 bl. 176^b — 177^a enthalten.

alle créâtûren¹ ein zergencliche italkheit an ir selber ist, unde marchte das alle créâtiure ein unbresthafte wunne in der gotheit ist, unde bevant, das das liecht des götlichen anlites in mir geformet was, unde verstuont das diu frölicheit unendlich in mîner innekeite beslossen was, unde wart in mir ein diapsalma und ein ungeirret ruowe aller inwendiger dinge, unde ein herzerüerendes himelsiufzen; unde mîn verstentnisse wart entbildet unde mîn geist wart entmittelet unde mîn andächt wart entmantelt unde diu persône mînes gemüetes wart verenderet. dô kam in mich ein mich in dir vergessen unde mîn vernunft wart in dich gegeistet, unde von dem heiligen geiste wart ich gefüeret in den grunt, dâ der sun inne gebildet ist, unde dâ erkande ich got in gotte unde des vaters nâtûre in dem sune unde des sunes persône in dem vater unde des heiligen geistes persône in dem vater unde in dem sune. dô kam in mich ein überschowen und ein überbegeren und ein überverstân. ich vant in mir ein aller dinge vergessen und ein mîn selbes vergessen und ein dich got alleine wissen. dô kam in mich ein schowen dîner êwikeit und ein bevinden dîner sêlikeit und ich vant mich allein an dir verstarret. dô kam ich von mir unde vant mich an dir unde dich in mir. ich vant mich mit dir durformig, ich vant mich mit dir einformig, ich vant mich mit dîner êwikeit in gelassen, unde vant das dû alle dîne sêlikeit hâst in mich gegolsen. ich vant mich mit dir das wesen wesende unde das wort sprechende unde den geist geistende; unde der vater was in mîner sêle almechtig unde der sun alwîfsende unde der heiligen geist alminnende. ach êwiges liecht götlicher klârheit, want dû in mîner innekeit bist, want dû ob allen dingen bist, bis mir das dû bist, ein abkêren von allen dingen² in das unsprecheliche guot, das dû lûterlichen an dir selber bist.

IX, 3. B. XI, 10 bl. 177^b — 179^b. — E nr 278 s. 312^b — 314^a.

1) creatures E. 2) dingen fehlt E.

4.

Diu unwandelberkeit unde diu abgescheidenheit aller crêâtüren das setzet mich in das nêchste der gottheit und in das hœchste der vollekomenheit. lûterkeit tuot mich aller dinge vergessen, unde mit der lûterkeit ist got allewege in mir beslossen. lûterkeit machet mich mit gotte einformig, lûterkeit diu twinget mich in die inwendigkeit der crêâtûre, lûterkeit ist ein blôs abscheiden aller crêâtûren. nieman mag got vernemen, wan der eines lûteren herzen ist. in der lûterkeit bevindet man gottes alleine. verstentnisse lêret mich allin ding bekennen: lûterkeit tuot mich got schowen. lûterkeit machet das got in mir wirt gefangen, lûterkeit tuot mich got vernemen und mit gotte nicht wîssen, lûterkeit gebirt abgescheidenheit. ein lûter mensche sol haben ein liechtvar gebern, lûterkeit die genûeget an got alleine.

5.

Der von Sterngalsen sprach, ich bin dicke gevraagd, was unser frouwe têt, dô der engel zuo ir kam. eins unde zweinzic stück hâte si an ir. si sas in der zît unzîtlich. si sas ein crêâtûre uncrêâtûrlich. si sas in dem lîbe juncfrôwêlich. ir sêle was gotformig. ir geist was gotschowig. ir andâcht was himelrûewig. aller ir ûfser wandel¹ was himelvar. ir sêle was grôsmûetig. ir was nihtes niht under got grôs. ir herze was enzûndet mit der wârheit.² ein lûter consciencie was ir schuole. der himel was ir zelle. diu gottheit was ir leczie. diu êwig wârheit was ir meisterin. si was allen crêâtûren entminnet unt was alleine gote geminnet. si was von allen crêâtûren gefrîget unde was alleine an gote verstartet. ir geist was mit dem geiste gottes vergeistet. si was ûf der erde mit dem lîbe unde was mit dem geiste in himelrîche. si was in dem lande der frîheit. wâ lît das lant der frîheit? in aller crêâtûren abgeschei-

IX, 4. *E* nr 278 s. 292^{ab}. *überschrift* Des von Sterngalsen etc.

IX, 5. *B* IX, 15. — *E* nr 278 s. 292^a — 293^b. 1) wande *B*: fehlt *E*. 2) ewekeit *E*.

denheit, und in dem lande der friheit lît diu stat der lûterkeit. si sas in der klösen der innekeit und abgescheidenheit. si sas in dem hûse der götlichen sicherheit. si sas in der schuole der drivaltikeit unde hôrte was der schuolmeister der wârheit sprach. in einer vinsternisse schowete si ein liecht. in eime swîgenne hôrte si ein wort. in einer ruowe bevant si eines werkes. ir sêle ruowete alle zît in der êwceit unde wonte an der gotheit und ir genüegede was an der götlichen vollekomenheit.

ZUR ALTMITTELDEUTSCHEN EVANGELIENHARMONIE.

Zeitschrift 7, 442 ff.

An Jacob Grimm. Seitdem ich den fund, welchen ich in der burg zu Friedberg in der Wetterau unter banger besorgnis wegen der Frankfurter ereignisse und während des aus der nahen caserne dringenden trommelschlags und waffengeräusches abgeschrieben hatte, als grufs zu Ihrem geburtstage 1849 veröffentlichte, ist mir vergönnt worden die sämtlichen reste der jämmerlich zerschnittenen hs. aus dem alten handschriftenbande herauszulösen und der hiesigen universitätsbibliothek zu übergeben. jetzt, da sie ohne hindernis vor mir liegen und ich die aus dem rücken des bandes gelösten breiteren streifen von leim und anklebendem leder gereinigt habe, kann ich den abdruck zeitschrift 7, 442 ff. bedeutend vermehren und das dort gesagte zum theil berichtigen.

Nicht quart war das format der hs., sondern, wie sich nun zeigt, octav mit breitem rande, und was früher colonne schien, ist seite. das von dem hintern holzdeckel des einbandes abgelöste vermeintliche quartblatt sind also zwei zusammenhängende octavblätter, die innersten ihrer lage; das so arg verstümmelte ist das vordere und demnach die in der zeitschr. 7, 446 mit 'rücks. sp. 2' bezeichnete col. die erste seite desselben, dann die s. 445 mit 'vorders. sp. 2' überschriebene col. die erste seite des